

兩

浙

輶

軒

錄

兩浙輪軒錄卷三十九目

正崑

通復

通微

銘起

性琮

智遜

成回

斷流

一覺

本晝

紹鍾

德戒

超源

行筏

超質

碧雲

鶩上人

德衛

行深

宏修

智舩

通門

通奇

浮石

宗泰

激恬

淨憲

佛第

嶽砒

澄園

心默

元暉

常岫

超月

宏備

明孟

明懷

如曉

本圃

等安

大瓠

海懷

海岳

超默

大燈

明通

真珏

清一心印

元智

宗龍

聖潛

大熙

祥超

廣節

正提

道權

德雲

南潛

行宏

智照

行瑩

智慎

智恒

懋方

祥毓

元宏

宗音

正晉

振濟

超凡

真悅

正解

普映

大涵

超藉

彬遠

靈睿

德音

本源

超復

超源

實彰

超直

靈傑

大開

元璟

觀我

宗相

無名和尚

超奇

元尹

端文

名一

本白

瑋堂

如理

復顯

際源

上緒

明中

篆玉

成鎮

贊懿

得信

明乾

淨泓

實月

見賢

實寧

明翹

徐斗支

陳泓

陸微

施遠恩

王蘅

錢一清  
林朝陽

兩浙輜軒錄卷三十九

督學使者阮元

正崑

字詒堂餘姚人住

漁洋詩話徐繼恩字世臣武林名士亂後爲浮屠名正

崑字廢室爲詩清麗不落凡近一字畧裁其絕句數首

坡公所謂無

蕩筍氣者也

池北偶談正崑禪師賦詩清麗予嘗見其同几集二

卷愛之畧乘數首皆無香火氣唐宏明與中所少

漁洋文集遊雲谷寺記上人貽崑堂詩自將

陵至青溪迷盡其卷湯休舟道楸之流也

越風俗堂諸題俱極清俊

與棋僧茗事詩並重海內爲王文簡所推評感舊集錄

姓江詩存器堂同凡集極爲王人則誤矣然堂本姚

存其詩然漁洋詩話以崑堂爲杭人則誤矣然堂本姚

邑徐氏子寄跡禹航視髮靈

隱蓋姚江人而僧于杭者也

絕句

御教場中月直時下山全不道歸遲三松影落平湖月一路

沿鐘到淨慈川下由御教場下

兩浙輜軒錄卷三十九正崑

湖上晚歸

我家北峯裏雲木何依微日暮空翠合飛來沾我衣松月如  
有待水禽相與歸隔林幽磬出隱隱發清機

黃巖小橋甚佳喜題一絕

橋花如雪憶長洲橘子黃時到古風多謝吳天憐夢遠飛霜  
釀出洞庭秋

黃巖送方孟培歸寧海

在遠無相識逢人似故鄉寒潮連桂楫春雨別松陽住折江  
瑤脆梳炊楚玉香歸歟及耕釣烟水計何長

聞琴

密篠拂瑤石蒼苔橫素琴俄然青松樹爲我成幽吟風靜半  
溪日泉鳴何處林遙從絃指外一見古人心

春暮過月公山卷

清溪初過雨衣袖受微風一徑松陰裏孤帆夢浪中山幽便  
靜侶雲嬾似衰翁容易將春老當杯莫放空

靈江舟中

西湖見月別湖潯月半臨江江月深幾聽棹歌諳越調漫隨  
人語作鄉音風腥曙枕湖頭長鹵澗寒裘海氣陰便是東流  
亦辛苦與君同負住山心

湖心亭同諸子晚眺

夜氣始闌如鴻濛孤亭獨立湖之中纖雲絕點太清裏片月  
忽來滄海東偶一長嘯衆山響白雙老眼萬古空兩峯西去  
青不盡總屬藕花垂釣翁

通復

字文可號冬關老人嘉興明氏子著冬關集

西折翁干象

卷三十七通復

構李詩繫文可求世儒者多病出家梵誦之餘呻吟不  
懷初參天童深明禪理於術家書無所不窺詩宗浣花  
書法松雪好事家爭乞之所居屋名夏木軒松杉交陰  
燈石盤曲焚香把卷其下晚年遊東粵歸格律益高曹  
侍郎伏岳稱爲異友詩  
六百首有專彙行世

送朱人遠入蜀省觀二首

棧險秋冬際西來有問津巴山元近楚劍閣未離秦迢遞驅  
行子艱難拜老親郡樓花早發萊絲正宜春  
盛氣看雄劍因深弔古哀空山夏禹廟春草越王臺揚馬人  
何在乾坤眼獨開登高須載筆好識大丈夫

春日松山

小磴容深坐苦連醉容茵晚風松落子晴日草浮春石通孤  
支屋橋危側過人回看雙屐路又見落花新

答倦圃夏日見懷



不見中林使炎颺月再過與傳詩札到愁破草廬多曉色開  
春雨新涼到綠蘿何當狎猿鶴分榻伴金陀

酬陳堯夫

重到寒灘訪舊船踏莎猶記菊籬偏窗遙林散經時雨厨冷  
禽窺過午烟杖笠路難搖落後登臨事異亂離前知君未肯  
論湖海閒數飛鴻過晚天

和答蔣佩聞二韻兼懷少典子誕

谿回白苧晚悠悠背郭柴門老一邱春盡懷人無過雁日斜  
隨我數歸鷗雙懸戶外千峯屨獨上江千萬里舟風雨別來  
花信促酒旗飛處落紅稠

通微

字萬如嘉興張氏子

尚李詩紫萬如年十九出家受具歷參名衲路傍聞此  
小廝云看汝藏在那裏去不覺蹕然大悟得法子密雲

老人主曹山  
復生龍池

與本徹禪人

策杖尋君偶上臺  
白雲深處見歸來  
隔年記得談詩處  
門外刺桐花又開

山行

村落自僻遠到來  
塵慮消雲霞  
畱福地松檜盡  
前朝樵斧盛巖峇  
仙書別院鈔  
羽衣何處客  
相引過虹橋

銘起

字墨菴嘉興東禪寺

朱彝尊曰墨菴俗姓沈名起字仲方少業儒讀經不沿  
傳註每自出意解問者解頤年近三十始列青衿中年

以後入東禪

寺爲浮屠

諸錦曰墨菴嘗有瀑水爲篋湖  
水鏡小孤如臂大孤鞋在句也

錢仁棨曰墨菴爲前明文學沈中畏深學使許承錄備  
博士弟子後走東禪寺雜髮爲游覽者書法宿儒學圃

集八卷續集一卷宗門近鈔二卷康熙壬戌病後題  
明年曾學使王孫葬於東禪寺東南隅并爲塔銘

西湖

風起雲生山欲愁  
凌空雨脚過山樓  
不知湖面寬多少  
埋沒羣峯不出頭

宿彭澤

帆影收南岸江聲斷  
不流秋高彭蠡澤  
雁下荻蘆洲一水天  
無際千山月上頭  
墟烟人語雜鄉思  
倍悠悠

性琮字白法嘉興楞嚴寺僧著刺草

夜坐

新涼微月上  
雜坐小庭前  
莫更燒明燭  
飛蛾絕可憐

智趣又台制雲字天山號拙庵秀水沈氏子別溪情舍僧

梅里詩輯拙崖詩格老氣蒼思深味永可與黃梅冬開  
伯仲別溪在海會里之南水木清華塵器遠絕拙庵愛

雨浙輪軒錄

卷三十九

餘赴 州 卷三十九

四

之構閣若其間門聯云繞屋四圍都是水隔林一片不  
多山山勝可想既歿遂瘞骨焉或指爲吉壤毀巷而發  
其龕體厚不壞髮長數丈  
手爪繞身者十餘匝矣

春暮憶金庭山西塢舊居

林幟射春暄溪聽薦朝爽感此懷昔遊金庭積餘想巖扉豁  
深秀窗竇啾晶晃風清礪卉敷雨急杉子響况有同心侶歌  
嘯諧勝賞香新焙茶碎水落翦孤蔕蔕抽箋折奇字潑墨掃懸  
榜握子算初勝廣詩技潛癢怪石蹲巖巖危潭窟蛟蟒洞古  
時聞曠葛欹鬱垂幌秋清跋藤樓月出蕩蘭槩幽軒足琴釣  
窮壑寡輪鞅孤情樂高簡經歲堅遂養牢落昔數編逍遙屐  
幾繡草衣葺芙蓉木食塞栗橡竹鏘玉萬挺松走濤百丈天  
游恣盤礴雲卧隨偃仰浮踪忽溯西清境落天壤魂夢時復  
過形跡詎能兩念此神欲飛北望增悒快

山莊秋興

林麓下秋鴉滄浪歌夜漁拾枯燎松火照見牀頭書節養草  
木晦嘯傲游息餘餐彼籬落英保此窮巖樗

曉入賀九嶺

斧泉隔林響虬松櫻道空疎雨激懸籟陰飈列鬼火出谷附  
藤蔓停輿拾山果荒寂無行蹤濕翠自環裏

從欄橋行經西塢書寄孤松閣士

獨行不求侶煙嵐媚深谷危巖聳栖雲空亭濺飛瀑花綴晴  
枝紅水搖春山綠清暉散鷄愁野趣澹幽目始來一舒嘯坐  
久氣彌肅翻恨良覩遊誅茅就君小

過雲梁上人新搆

小築半依樹扣門初謂山鳥麋人語寂香對道心閒苔屐乍

閉窗竹齋宜置榻坐憐谿酒碧幾點落花殷

山閣

秋光已如許涉澗采芙蓉人在清空裏山當紫翠重鳥啼參  
客語虎過露泥踪松際留明月聲傳何處鐘

閉關

無因吟眺一開顏訪客晨稀且閉關寒近麥黃逢賽社雨添  
桑綠漸遮山心期語默同清後品在高慵雨可問晚日虛堂  
禪晏久瘦爐香爽鷓鴣斑

暮春雜興

曉尋詩伴蹋晴沙望裏青帘颺杏花坐傍紅橋蕩芳草好山  
多被綠陰遮

吳山

石路崎嶇一蹇馱  
斑花如繡鳥如歌  
白雲卷盡春寒薄  
放出青山雨許多

成回

字藉華山陰人顯聖寺僧

朱雍曰成回不知何許人示寂于越之顯聖寺或曰崇禎癸未進士嘉善錢默

雜感

本買深山與世違  
探書禹穴澹忘歸  
鐘沉古寺寒燈滅  
雨過中林曉月微  
花裏子規愁客路  
船頭綠水漲征衣  
六千君子風流盡  
空見春城柳絮飛

斷流

木名渡以字行瑞安廣照寺僧

夜泊石帆

峭壁截千仞  
停篙泊孤舟  
日落灘聲急  
波迴天欲浮  
良辰忽已晚  
行役何時休  
舟子辨風色  
看月西風頭  
潛香蓼花冷  
露

白兼葭秋宵鐘何處發客夢方悠悠

一覺

字悟生號筠軒瑞安  
九峯寺僧著錫餘集

山后次韻

紛然塵事那堪論得透禪關道自尊  
窗閒雲分半榻催鐘  
明月進重門  
瓶花欲放西來意  
梁燕如傳北度言  
萬物變遷  
皆有數孤山  
真性永存存

本畫

字天岳號寒泉子會稽平陽寺僧  
著直木堂詩集七卷後集一卷

蔡炎曰寒泉子直木堂後集上虞徐徵君咸清爲之  
賦詩宗盛唐多與名流贈答製題命意頗有名士積習

不失爲墨名儒行措前集未見今所跋者皆出  
於後集集名直木與同時雲門僧木哲詩同

朱文藻曰澤本書撰直木堂詩集七卷爲浙中丞經進  
本據案

笑定

四庫全書錄入存日提要稱此集乃晚年所著凡詩四  
百餘首不作禪語絕無僧家語荷氣故李鄴嗣序曰非  
有人作序幾不知爲曲韻者上入也餘姚黃宗羲稱其  
五律上人王孟之室次不落大復以下則似約過矣



過黃廣文左平署中

元晏先生信獨奇，道心微處少人知。  
長嫌醉後詩成癖，自種秋來菊幾枝。  
官署一清資寄傲，文章多變笑因時。  
山僧愛比浮雲過，新摘園蔬向午炊。

村南

村南溪北暫相尋，衣履全忘曉露侵。  
紫燕人家花徑仄，野鷺天氣柘圍深。  
自知短弱無他好，誰對衰遲展素襟。  
數到月終猶穀雨，愁拋茶蕨老巖陰。

書懷

新製竹皮冠，無塵對竹彈。  
惜時嫌月小，作夢稱心難。  
鶴至茅檐，迨天高歲事闌。  
今辰能力疾，山愛雨中看。

寄許勁菴

古寺相過憶昔年  
放歌心遠竹林偏  
雙柑共走黃離地  
短髮重梳薄莫天  
五載自知成浪跡  
北窗遙隔想高眠  
秋來莫道仍多事  
望斷江南山盡連

紹鎮

字即空蕭山竹林寺僧著竹林吟草

蕭山縣志竹林寺自南宋以來世傳醫學紹鎮獨工吟咏與越中名流相唱和

同周次修居士登越王城

涉湖竚勝躡山城  
一望春波兩岸平  
雨霽桐花如練色  
風過松葉作濤聲  
林泉待客憐遲暮  
雲水於人何送迎  
勾踐當年遺跡在  
登臨題弔不勝情

德戒

號雲谷餘姚僧

次韻答邵萊園

爲道身安意不開  
情分兩地轉如環  
菜蕘夢台三三路  
青草

湖通六六灣，隔院鐘聲來。夜雨半窗花，影落空山苔。痕似繡，  
人踪少寂歷，禪心只閉關。

超源

字自覺號靈溪嘉興李氏子靈源寺僧

畫竹

勁節峻嶒分，外清拍風弄。月數枝橫，偶然挂幅桐。溪上夜半  
寒窗竹鳳鳴。

行笈

字懸崖秀水梅里陸氏子觀澗橋舍僧著觀淵自雲等草

梅里詩輯懸公爲牧雲和尚付法弟子遷地千古南西北百武築精舍三面臨流最爲幽勝牧雲名之日觀淵其後住古南院數年後退老西溪之上終焉

懷問青士

一雨清和後，衡門景物饒。重雲歸萬壑，芳草偏雙橋。插竹編  
籬菊開林，護藥苗知君能物外，白社不須招。

兩浙輞軒錄

卷三九

紹興德戒超源行笈

八

超質

字石璞平湖曹溪寺僧

秋夜宿三河

黃昏依古岸漁火照沙洲秋滿千山白灘衝亂石流推蓬光  
入枕繫樹影移舟不識誰家子清歌水上樓

碧雲

上虞人俗姓趙氏名甸南字禹功後出家爲僧

蔣峭傅畧曰碧雲性耿介時倪先生元略能汲引有欲爲介者持不可詩在嘉州石丞間工書畫甲申後棄諸生業爲僧已復授經書畫以易衣食顧亦不甚惜

居偈心寺

怪爾山容淡因無與我宜風飄新落葉日照舊疎籬荒陌樓  
寒羽殘荷蔭紫龜抱琴松樹下此樂少人知

鷺上人

武林山僧

碧溪詩話乾隆戊申重九日余至上天竺白雲山房與省齋師茶話論詩省齋出詩稿一冊首尾缺佚無時代

名字可攷據稱得從蘇音山房所藏山房住僧相傳是  
培風上人于稿余獨歸細閱其詩起于明末終于康熙  
初年皆有于支紀年詩中紀住持之處曰茗溪夾山漾  
禾中富陽及閩中而在吾杭則注意西溪詩是晚年所  
作所到之處無庵寺主名不知其實在何處也今以詩  
中題有鶯字是其名下一字姑與之爲鶯上人以其晚  
年注意西溪定其爲武林山僧不敢專屬之蘇音房也  
又按朱浩齊曰嘗得聞集有鶯上人自天台歸留宿偶  
占詩云錫飛桐柏十年間餓列伊蒲半日陪西向轉成  
東向樹南枝開到北枝梅煮茶白剪蘭芽雪煨芋黃燒  
豆葉灰清話不知寒夜永蓮盃又聽五更催未知卽此  
鶯上人否姑附識之

東遊雜咏

霜氣凜寒蕪平原接故都  
語音隨土服風景入柔弧  
眼共水天碧人同草木癯  
布帆千里月連夜到姑蘇

富春道中

際浦林凝雨沿江路人雲人煙深  
柏栗田水半耕耘冷市岩陰合  
荒亭村界分牛羊知宿處落日自歸羣

種菜

西庵乞得稚蔬回，童子迎寒刷薜苔。  
根弱正宜連夜種，地陰須得面陽栽。  
一籬疎雨催鋤急，半畝青霞逐指開。  
猶計早安蕪蕪，在齋厨好約故人來。

覓水

穿雲通一綫，屈曲自能趨。客夢天青雨，  
童呼水到厨。性宜人淡薄，影訝鶴清癯。  
好謝尋源者，縮頭與不枯。

夾山漾

在西吳印顏魯公放生處也

臺殿蒼茫際，尋鐘到渡頭。  
滿聲吞萬嶺，雨氣壓孤舟。  
捫碣傷陳跡，登樓憶舊遊。  
但知濠上樂，誰識魯公憂。

秋興

閒尋松子種，爛灰行到山隈。  
復水隈秋氣，想能私蔓草洞崖。

七月野花開

雨夜投宿永慶寺

雷雨千峯薄，宿冥崩崖忽。露照泥星行，隨細路投孤磬。人在  
疎林話，一燈嘯咏已。疑鄰木客陰，晴何必問山靈。朝來却怪  
衣裳濕，草閣眠雲夜不扃。

乙酉鳳鳴寺除夕

城角寒花漫笑人，浮生總是未歸身。歲交蘭若遺清寂，客到  
烟霞忘主賓。蓮漏暗移香閣夜，重圍不禁渡江春。獨憐烽火  
江南道，明日年從何處新。

燈後六口送友之閩

春雲渡水雪初晴，路軟新泥草漸青。今日主爲明夜客，下山  
人別上元燈。棹頭風月歌桐浦，馬首烟霞望建寧。若向延津

兩山轉車鏡  
卷三十一  
潭上過慎無彈狹動精靈

歲寒松柏

草草花花日日新未知誰是歲寒身  
南山若使無松柏天亦無秋但有春

癸巳天寧寺除夕同周仲榮賦

垂歲寒雲古寺屏鐘聲時緒兩依依  
梅嶺不感春先到燈語如嗟客未歸  
菩薩橋頭冰屐定將軍墓上雪  
鳶鶻天涯好友忘泮水夜半題詩補衲衣

宿沙縣

魚竿巷口鳳橋東古市蕭條夕照紅  
雉堞半侵山影內人家全在水聲中  
樹餘兵燹花重發草葺旗亭路已通  
閭道關門重嚴詰扁舟還許帶春風



山店

山店何荒涼，  
客不能臥。風笑石鑄虛，  
猿欺茆屋破。

德衡

字高，進號。松道者，平湖陸氏子，松在卷中。

德衡，仁榮，曰德衡，原名較，烈號蠟真，平湖諸生。後從華隱寺受度，歸乃易南田，溼舍爲松在卷以終老。

飲白龍湫水懷李孝廉潛夫

一勺悶靈蹟，  
高人心與同。攜瓢就寒碧，  
敲火試松風。發罷起

長嘯寒寥遺韻空。

行深

字山年，白佛山道人。平湖曲水，情舍僧著，寄奇吟。

尚老貽詩次韻

上路多岐在，  
勞生未有涯。喜君來竹戶，  
同我飯松花。葢靜揮  
談塵，淡噴過釣槎。閒身游物外，  
烟樹望中斜。

宏修

字呢林，一作梵林，山陰祁理孫弟。名班，孫字奕喜，後入靈巖山爲僧。

紹興府志 鹿住 洵國時 班孫年十四 性敏 慧學 爲詩時  
同邑 朱士雅 慈孫 魏排 歸安 農績 會班 孫與之 遊館 耕  
于家 詩曰 益進 順治 十八年 耕績 會俱 以  
罪見 法班 孫坐 流寧 古塔 諱故 歸爲 沙門  
越風 咒林 爲忠 敏仲 子被 魏排 累戍 塞外 時宜 興陳 癸  
衛王 亦以 季父 林連 在邊 爲忠 難交 陳君 先歸 呪林 送  
之曰 君歸 遇急 取我 謝筆 敲之 當得 解既 而陳 君病 風  
腫困 甚犯 羊敲 几上 管中 露一 藥線 香氣 襲人 抹之 疾  
如掃 矣其 異如 此後 遇救 南旋 人靈 巖山 爲僧 化時 貞  
端聖 玉筋 尺餘 老僕 囊其 骨歸 葬高 岡妾 死邊 外同日  
概至 人  
益異 之

舟至形園

春水一帆孤登臨此外無柴門深種竹高閣迴臨湖野色橫  
襟袖山形人畫圖徘徊少人跡來往有啼鳥

題畫

古寺深村萬壑青碧谿綠樹小茅亭何人解得此中好日午

高眠夜誦經

智舷

字奉如一字秋潭與人居  
秀水全明寺有黃藥庵集

請錦日詩繫稱黃葉老人行脚三十年道歸壑重講方  
禮爲香宿而不說法領眾不立侍者書記詩名滿東南  
而無專集日與品字柴支折脚指吟  
黃藥庵中發爲刻章實足邁今軼古

寒山訪靈谷

寒山太湖東二月雪埋塢時有天耳師巢居類巢父春秋未  
半百氣格自高古清泉凍連底躡石怒獅虎此中除梅花無

物入巖戶

題畫

林無樵雲者溪有釣雪叟山前山後村虎跡大如斗

通門

字牧雲號楞叟常熟人住  
秀水古南院有懶齋詩集

梅里詩輒慶豐橋之西舊有社巷崇禎間僧依蓮居此  
後有小池忽生蓮花不由種植于是道俗嗟異布施  
長拓基構殿與相從爲書記寄雲居未幾付法于叟命  
移石古南院與相從爲書記寄雲居未幾付法于叟命

主古南會世鼎革儒門淡泊之士咸歸法會一時稱盛  
古南遂爲名刹榜曳凡七主叢林宜揚宗旨力護法門  
實爲臨濟龍象其論文曰警觀平湖微風未來澄澈若  
鏡幸與風過其初也若殺其漸也如鱗風或高其變也  
如千鷲躍風又甚則洶湧澎湃如萬馬騰厥其至也則  
層波疊浪噴激如山震心駭日莫知其所謂矣風耶水  
耶向心于其間蓋天地間一種大化機也若持杖畫波  
俾其躍躍豈自然變化者耶又述天童老人之言曰作  
韻語宜帶得意觀其持論可以知其詩於集甚富茲于  
豫章得其後集先就所見輯之句如竹風吹岫細霜月  
向人圓今人臨水曲明日是春分遠峰泉暗落古  
寺樹重開庭花雲去白山樹雨來青語皆瀟灑

寄懷毛潑在

一別又三載千里情依依昨來陟危磴白鬢筋力微同聲幸  
相存清吟不我違白雲簷下指黃鳥林間飛空山寂無人草  
木清且輝洋洋春雪調落落古所希永懷睂山老遙話箭鋒  
機

余琴川回樞潛翁特來追訪余之所至翁亦至焉入破

山抵雲半居再達郡之西華山皆先後不數日而余  
又過石湖瀨西資精舍松陵之折蘆菴所謂池上也  
翁謂余蹤跡杳不可卽疊前韻見寄余讀之喟然答  
餘生一無嗜山水輒相依扁舟歷湖濱日日行翠微空濛各  
有得歛乃何相違聿看叢葦生坐惜春花飛梅實漸已黃清  
池澹無輝委形入窮谷足音安可希放懷請君昔爛漫杼天  
機

遲毛潛在

迢遞南徐路煙霞有舊盟欣逢片帆影深話半秋情山爽收  
雲氣江空度雁聲寺門閒佇立松月上初更

登小華山

石徑迢迢上嶺頭嶺巷纔轉見重樓九華誰謂分來小一日

長江已盡收

通奇字林野四川人天童僧

萬里詩繫通奇十歲薙染十九南遊遍歷講席丁卯掩  
關平湖德藏寺一日失足墮樓大悟遂破關走姑蘇見  
悟和尙於清涼庵隨人天童人稱林古佛後從悟至嘉  
禾寓黃岡齋素園中受付囑焉乙酉主法天童通元攀  
頂納子奔趨冬夏布衣草履  
備歷艱苦塔於太白玲瓏巖

別嘉禾黃閣齋譚埽菴汪曾城諸公

兩載邨居意始舒綸竿未許下沮洳而今舞棹浙東去太白

潭深有巨魚

浮石姓趙氏居平湖青蓮寺

篤李詩繫浮石父老無子憐神得生十三歲不如龍上  
九欲為娶婦遂至普陀禮諸宗禪師庵染三月歸省親  
為勤絕乃蓄髮日閱釋典母曰汝既決志出家何無遠  
去山是復何度受雲情蓮池大師或隨莊和尚開講海  
唐天寧後應至嘉興東塔後住海鹽鸞窠山養親喪葬  
畢赴東塔請復上天童後施水師密雲和尙至嘉禾黃

履素園舉拂授之履素曰予昨夜夢小園池中開五色蓮乃應今日付浮大師豈不異哉是冬退居平湖青蓮寺復往報思終焉

參金粟本師密老和尚

日脚垂來雨脚收  
幾村晴樹引孤舟  
問津曾未迷前路  
到寺渾疑見昔遊  
桑鼓遠聞金粟外  
海光直射石鷗頭  
幸生斯世逢斯老  
得入拈花第一流

送一拙歸徑山

白雲堆裏冷難辭  
鍊得身心百不知  
試問凌霄峯頂月  
何人先見上松時

送聚之遊黃山

七十二灘一客舟  
上崖不必問徽州  
白雲成片風吹散  
三十六峯多露頭

宗泰

字古銓 徑山高庵僧 著閱世堂稿

携李詩繫宗泰平湖德藏寺僧受法於費隱老和尚時  
喜濡墨作頽草或作小畫後復住徑山高庵自稱高庵  
道人柯魯山謂其詩凡三  
變而益進有閱世堂稿

苓山夜話

春日思雙徑茗溪取道還十年勞夢寐兩度到苓山庭柏依然古苔花似舊斑閭雲忙出岫何處有人閒

無垢寺

在天目之麓梁昭明太子緝經處

一徑當門細無人竹戶開古藤綠殿角老柏舞荒臺日射松  
馳走林昏石虎埋斷碑橫古道繡徧六朝苔

懷高庵

高絕懸崖處吾廬向此分鳥啼寒澗竹樵語石林雲樹裏江  
光遠窗中嶂色紛夜深群動息天籟定中間



激恬

字素言海鹽葛氏子嘉興幻居菴僧

錢仁榮曰素言幼雅慕于嘉興幻居菴遍歷諸方不受付囑蒲生項奎司寇馮景夏高其品皆友之

和瓢隱兄惜春

夢想匡廬隔萬重  
膏肓泉石結心胸  
東風只解吹花落  
不肯吹人上五峯

淨憲

字匡雪秀水浦氏子著樓賢詩集

錢仁榮曰匡雪周法梵受後移顯聖

西峯對雪

索莫坐寒峯空堂抱獨影  
顧盼杳林邱出入絕人境  
竹欹側徑深松偃當門冷  
疊磧抽枯泉高梧凋廢井  
四壁萬籟空一室  
衆香靜寧和清漏沈  
但覺寒豎永我忘愛吾廬  
誰與樂斯景  
爰息羣物遊遂得諸慮屏  
歲月悲湍流身世嗟浮梗  
人心

何悠悠余懷徒耿耿廢卷一長歎頽然發深省

佛第

號心空永  
慕仙巖僧

陳世修曰心空本姓項名世臣字非喬遂昌人中丞應祥孫也為邑諸生尋棄去事佛駐錫幽之仙巖工詩余從毛克亭王鞏禹鈔得若干首并附梅花百詠于後吉光片羽亦足凌縹時賢

梅花

春意初回江上村玲瓏幾樹澹波痕荒烟一徑斜依竹積雪  
深山半映門對我有心來翠羽向人無語立黃昏登樓不辨  
香何處蝶夢尋來亦斷魂

綠畦

字令聞號面菴石門徐氏子海寧安國寺僧

錢仁榮曰顏菴出家安國寺受天台宗旨秦漢法師付囑開講席于邑之瑞像菴康熙庚午重興焉承淵澤教寺老竹

混跡藩籬歲月深龍孫鳳子已森森冰霜歷受君知否不負

凌空一點心

澄園

號文谷山陰大章  
寺僧晉雪痕錄

蔡英曰文谷爲慈方高足善畫蘭竹工詩與傅月樵程  
拙菴宋雪君唱和董楷逸詩府十家雪痕錄其一也

贈宋居士雪君

縱橫健筆鼎獨扛才齊潘陸海與江青袍白袷時過我柳瓢  
寫酒撲春缸胸中磊砢澆不得鏗鏘金石交擊撞鳥啼花落  
對六窗騷壇牛耳北面降拈來信手都妙諦讀罷高辭折幔  
幢

心默

太平丹  
崖僧

同趙居士人瑞遊左勝堂晚宿

古利無塵事秋風客意清當軒山月上傍榻水雲生衣落松  
間影詩吟竹裏聲坐涼過夜半只恐曉鐘鳴

元暉

字鑒 號微蓮

雲殘齋詩話上人住城東蘭若康熙癸酉夏日作納京

圖長卷繫以斷句顧丈月山題竹深荷淨四字子卷建

復乞其友王昨丹龍周京敷文吳儀一舒鳧毛宗文照

平與允嘉石倉賦詩于後上行笈中出示陳恭尹元孝毛

奇歸西歸家石倉翁攜之行孟舉沈涵度汪沈三會尹

域韓純玉子蓬徐傳翥馮景山公吳陳炎寶崖徐志

今七十餘年輾轉流傳前後題咏名跡燦然歷

舟侍講所得重加裝潢前哲文獻藉以考徵鄙人為梁山

不忍釋手又云鑿微與金氏介山書云兩人同在貧病

中買書與交臂一失後莫及兩人嗜好如此據翁村

計較借值交臂一失後莫及兩人嗜好如此據翁村

先生築介山歿後所藏愛玩盡散失而鑿微蓮舍今詢

之東城居人無後有知之

者物換桑田况書畫乎

題納涼圖

柳綠荷香近水濱納涼忘却暑中身清風不用一錢買能消

受者使主人

常岫

字春林別號儒翁又稱松阿樵者姓鄒黃巖人平湖縣教習著碑數詩

楊李詩繫常岫生於京師十五歲薙髮於大千佛寺爲法華老人之孫性沉靜喜讀書與人交無貴賤皆敬禮之所居堂前有古松數株吟咏其下怡然自得如是者三十年暮永嘉天台諸山水思歸老於浙高潛人詹事居平湖得馮氏舊園爲北墅寓其中一區招之駐錫名曰簾藪以皮屐八月入園已巳七月示寂其詩高簡冲淡

高詹事添人得當湖馮氏耘廬舊業分館一區爲余卓

錫地漫賦志感

杖錫窮幽徑居然是辟疆愛鷗先浚水馴雀亟謀糧金粟圍香國曇花落寶牀嗟余遲暮眼煙月近微茫

去郭五六里舟行多板橋到門仍隔水入塢不逢樵苻淨波如拭篔簹低鳥故嬌長林真得地不枉主人招

漫興

兩浙翰軒錄

卷三十九

元暉 常岫

倩得名園水一灣老梅修竹幾重關  
念機且住因鷗狎抱膝  
成吟待雀還剩土欲栽蔬脆美新苔  
任點石斑爛青青黯黯  
君知否絕勝他家大好山

鑿數

紫籟解別徑分翠環一區茶煙出叢篁  
乃在東南隅聞鐘知  
有僧謁藹望若無過橋見蔬圃沿泉問  
灌夫此僧何所似云  
是一枯株落盡餘枝葉亦少好皮膚

超月

字宏濟號無知漢  
太平僧住嵩岩

賊學標曰超月俗姓朱出家遊京師歸住嵩岩受法於  
雪竇律牧和尚康熙十八年中秋先期示別至期坐化

參方

放蕩乾坤野鶴同一枝待借意何窮  
穿林面帶松煙綠買渡  
天沾杏雨紅鉢洗清流來楚澤  
錫飛明月過秦宮啼猿怕聽

溪山道幾度逢人問曉風

宏備

字梵林山陰僧  
選詩程詩通

蔡英曰祁班孫放歸爲僧名宏修字咒林與字梵林之  
宏修別是一人梵林詩見越郡詩選咒林據紹興府志

文苑傳已誤

書作梵林

朱文藻曰據越風字梵林者名宏備非宏修也蔡君仍  
越郡詩選作宏修然攷遺民集亦已作宏修蓋其誤久

矣越風必有  
所本今從之

立春日舟過廬峯精舍

彌月居城郭長思歸草堂出郊纔十日寂寥坐竹房舉撓向  
前景設設溪風涼及來廬峯山巒壑遙相望堤柳發暗綠苔  
岸生瑞光因遇結廬客同過薜荔牆自啟雙板扉敲石滌茶  
鑪出子青泥飯坐我雲根牀款客不知晚相送臨河梁我亦  
悵然別還同歸鳥翔依依戀野色蕩舟趨夕陽

答下相蔡叔望留別之什兼送陸禹平

七里寺門近半塘人境連臘前來暮客雪後有歸船烟樹空  
于水澄江遠入天休忘在鶴澗相坐品三泉

明孟

字三宜山陰雲門顯聖寺僧

越郡詩選三宜志感一詩曠然高寄休上人合作也北塘一詩秀警拔俗其開興絕句則悠然遺放多少自在

北塘散步

散行無擇件今古不須論酒旆垂楊渡漁罾黃鳥村波流還  
繞樹山色盡當門荒塚歸牛馬沙堤又日昏

閒興

白版桑村傍水花綠陰清几飯胡麻船來船去朝朝見垂柳  
山前第一家

多少樓臺繞北山水亭涼路石橋灣花飛門靜春無主黃鳥



白雲空往還

明懷

字墨浪山陰雲門寺僧著竊言

雲門和王陽明先生陸間韻

偶入空巖遠扶筇  
趨鹿游爲憐千嶂  
寂擬結一茅休漱玉飛  
泉潤垂藤坐石  
幽行吟溪上月清影  
逗林邱

如曉

字萍踪蕭山人錢塘烏石峯僧著巖艇草

杭州府志如曉失其姓幼不知書年二十餘入臨安山中獨棲古廟深山月朗見竹影在地豁然有省折桂枝

盡墟灰遂善書至錢塘結茅烏石峯側名曰巖艇

朱彝尊曰萍踪栖隱天台石梁下晚居湖上往來嘉禾有萍踪道人詩草行世

朱廣原居士爲余構巖艇於湖上九月落成以詩招之

心期慧遠山中社  
興發張融岸上船  
最好鯉魚風信後  
東籬來趁菊花天

兩浙輜軒錄

卷三十九

明孟

明懷如曉

元

春暮

雨過郊原遍落紅  
柳絲無力繫東風  
春陰何處雙栖燕  
寂寞

梨花小院中

本園

字蛤菴號湘溪蕭山隆興寺僧著湘溪別集

蕭山縣志本園別州江陵人崇禎末隨母張氏之浙居

世祖

詩曰湘湖集將朝五臺道京師和碩安親王延之住

聖祖

西山隆恩寺明年

命賦

仁皇帝名見玉泉行在

詔師

詩問宗旨甚矣尋禮臺作二十偈還京師疾作

上命

侍臣奠茶木園歷龍安兜

率三主道場各有語錄

恭英曰毛太史西河合集有蛤菴和尚

塔誌銘所載事蹟卽爲縣志之所本也

庚戌北上再過淨慈別天溪同門

年年河北河西路，羞抗塵容素與緇。  
殘澗月明人影斷，短裘霜透客心知行。  
逢擊鼓開關後，話裏踈鐘出寺遲。  
回首平山千樹柳，碧雲風起亂如絲。

同丁大聲過白玉樓尋呂大

久結名山想，來登白玉樓。  
千林擎曉日，十里溯春流。  
靖節初投社，相如已倦遊。  
因緣在我輩，雅意念岑邱。

等安

張全拙餘姚法華菴僧後  
往藏經閣著偶然軒詩

姚江詩存黃太冲曰全拙詩如挂雪長松枯枝半折非  
深于寒餒者不能也朱緯章曰全拙訪勝靈巖卓錫穴  
湖窵瀟湘門偕木石爲伍不願與軒車一接神罷微吟  
信手拈出妙句天成要皆至性所行非復規規擬合

斷山雙寺

雙寺長江大樹間，曉鐘齋鼓共清閒。  
西風一夜潮平後，門外

新添雨箇山

同斤翁干象 卷三十七 木圖 等安

雲灣

一片清溪遠自然  
踈往還鳥巢當路竹人坐對門  
山掃石道書在灌桐秋水間  
常時無所作一釣此雲灣

太清寺

野曠人烟少  
雨三家一村山如爭坐處  
寺已占中尊環竹外無路短籬邊  
有門老僧不世務見客却忘言

宿岑暉吉齋

一宿卽兩日  
再來知幾時  
人生如飛鳥力倦乃尋枝

秋柳

花枝折盡馬蹄遙  
所得青青柳幾條  
豈是負春驕獨在秋江無此更寥寥

大瓠

字箬在一字用無宣城人俗姓沈名麟生  
字丹紋出家靈巖後爲餘姚龍巖菴僧

姚江詩存節在爲副使壽獻長子雅藻嗣嗣後制製受  
戒于靈巖儲公已而之姚江黃竹浦依梨洲兄弟以居  
築龍聽巷于山中尤與晦木  
唱和相得叢林湧龍聽大師

山居和空林師鶴

亂山深處刷黃獨  
菴巷暝藉孤雲宿  
半空忽墮鴉鷓聲  
老僧自起然枯竹

海懷

餘杭徑  
山僧

瀉玉岩

在德  
山東

千山春泛亂銀蛇  
百道流泉湧碧霞  
匹練倒垂吳市近  
落紅高瀉蜀門斜  
濤驚不息雷潛地  
珠濺皆圓水雨花  
若使有桃隨岸種  
問源舟恐失漁家

海岳

字中州京口僧住持海  
寧安園寺著綠蘿菴詩

黃宗羲曰中州禪師會主鹽官國師道場鹽官爲余舊  
游地師之所與唱和者非余之門人卽故人也憶鹽官

之為詩者雖多而其效唾相垂無日不談者亦可屈指  
朱止溪論詩甚隘以賦比興為繩尺陳令升喜蘇詩其  
聲胸懷誰云猜忤陸冰修善於應捷譬之朱漆雖無植  
幹而有光澤查二南幽夜逸光不耐曉日未人遠搗摩  
之才其於家學頗為轉手陳子文翻翻書記以書法佐  
之固當世之膏粱也陳敬之輕誕自矜未見涯涘查夏  
重白點返吐詞清拔查德尹真詞入情而苦纖媚李是  
卷佛火消寒未泯俠骨可謂盛矣有婦人焉魯無君子  
者斯焉取斯宜乎師詩之美也

冬夜期朱止溪不至

更籌數將半兀然不知寢霜氣透窗虛月華散庭影鄉思鬱  
莫攄客襟亂未整夜分期不來燭花照孤冷

超然字靖菴一字靜山嘉興

錢仁榮曰靖菴脫白於石佛寺息乾禪師付法為  
石車老人孫主楞嚴金粟二刹授老海鹽之隱菴  
游雙徑

層折疑無路盤旋入亂峯新茶和雨摘舊穀帶泉舂選坐分

奇石空林聽遠鐘  
回看煙斷處  
雙徑對雲封

題雲現上人畫

巒青嶂翠露晴空  
樹裏泉聲聽不窮  
溪午白雲人不見  
一亭

深鎖小橋東

大燈

字同岑嘉興頭氏子調  
庭西山僧著洞庭詩稿

諸錦曰岑公爲前  
明項襄毅詩孫

寄馬給練培原先生

鳳城歸後塞雲深  
風物蕭蕭歎陸沈  
篋底哀詞高白雪  
囊中  
疏草重黃金  
南樓偃臥月當戶  
東郭閒居花滿林  
何日浮槎  
滄海上夜深  
遲我奏瑤琴

秋夜宿八峯山房

黃花籬下亂蛩鳴  
古寺秋高嶺月明  
夜半石牀清睡去  
不知

枕上落泉聲

明通

字達一嘉興遷勝巷僧著墨隱遺稿

錢仁榮曰達一工寫生能詩姚蘆涇太史定其遺稿

張雨村黃藕齋過訪見壁間屠雙髻詩欲訪入社因指

其隱居路徑用匏菴社集韻

雙髻潛修處清流水一灣林高秋色做花老鳥聲閒詩客能  
攜屐幽人定啟關爲言同社客有酒勝廬山

真珏

字兩峯嘉興漆股塔院僧

辨香菴訪宜山居士和鐵夫原韻

只於瓢笠作因緣結個花龕傍屋偏閱世幻同春夢後留僧  
貧對佛燈前山林月且憑誰主支許風流並可傳我亦年來  
差解意非心非佛也非禪



清

一字太虛俗姓方桐城

阮元遊西谿夕照庵僧  
喻後山治西谿秦亭山入河湓泛小舟至交蘆庵數十  
里中松竹梢樛桑麻黃落豆瓜蒌映帶秋水亂景迥  
與西谿不同庵門內古梅二株枝幹橫斜出于檐際老  
僧梅嶼無俗韻其詩亦清遠與此庵相稱藟香光書庵  
榜爲菱蘆此聊家裁性虛妄若交蘆耳書交爲菱失其  
典矣梅嶼手緝楞嚴經語子言而悅之且言其師太虛  
能詩會以交蘆對舉葉者得天張居士書維摩經  
義以名其堂庵之西里許爲秋雪庵北高峯正當其南  
蘆田千畝白英初生拂拂然未試霜風也此間荒寒有  
真趣人罕至者歸而  
書此紀遊且貽梅嶼  
碧谿詩話太虛上人桐城方氏子出家京師前遊錢塘  
愛西谿之勝居夕照庵乾隆乙亥移居交蘆庵與詩僧  
心印多倡和稿佚無傳獨徵君樓樹吳居士西林皆有  
贈詩余自乙亥人日泛舟古蕩欲遊蘆庵不果辛酉初  
冬同人展鴈徵君募便道入河渚止宿庵中風綠始遂  
問太虛遺詩心印之徒梅嶼指壁間手書四絕并口誦  
張副一詩傳錄之梅嶼名隆嶼字震山與其法嗣  
觀曉字日章號晴圃常源字鼎新號水村皆能詩  
乙亥冬日移居蘆庵偶成四絕呈六英大師

何所首干萊  
卷二十七 問通靈清

三

屏迹西山三十年不知林外有人煙  
瓢囊又向蘆庵去準擬梅花伴晚禪

擗聲欸乃水溶溶鷺起沙鷗落遠松  
到岸始知門向處隔溪

七十二芙蓉

溪西北有七十二賢峯

犬吠衡門待客開山厨煙翠辦中齋  
主人笑說無兼味自到林中掘筍來

克公

謂克念

交契比南金後代兒孫道誼深  
今日我來師不見

滿塔黃葉月窺林

過張園有感

滄桑人事莫須論  
臍有頑疽綠蘚痕  
雪徑剪梅供晚爨  
風亭芟柳與鄰村  
臨池無復窺疎影  
對月難教覓斷魂  
我是山僧本無淚  
今朝一掬灑西園

心印字櫻林秀水梅里靈

梅里詩輯里東偏靈源寺元王學士景故宅也捨為寺  
俗名期堂為里中古剎殿宇崇宏屋舍深邃殿前有方  
池發以石鑿二龍其上久之其一作怪夜吸池水有聲  
且出駭居人碎而止惟池西岸一龍存焉櫻林愛客  
喜論詩庭有老柿恒號所居曰分柿山房文士能詩者多  
與之遊飛鷗分韻恒聚于斯求侯詩什吞針錢也設  
酒醉中有路可逃禪聚頷人詩堪持羅梓同李詩曰分  
東坡煮肉鑄皆與斯編者周貧青士沈進山子李光基分  
柿山房偶編與斯編者周貧青士沈進山子李光基分  
奕子兆鉉人表徐在皆山李良年武會弟符分虎褚小  
巡二觀蔡耀遠自并櫻林凡十人今老  
柿不存寺僧亦無有好事如櫻林者矣

暮秋山行

便無城市想一路聽潺湲徑踏高低葉秋荒無數山故交多  
事後知剩幾人閒廢蹟何朝寺殘碑卧鮮斑

九月十三日過修竹居讀去秋壁間諸作因憶武會

乘興訪修竹蒼茫草杖孤霜深楓柏老我與笠瓢俱隔歲重

遊處懷人三徑蕪聞公有歸信猶得及秋無

宿潮音精舍與雪菴

羨爾今年白業精禪餘常耦道人耕藥闌前月紅三徑我對  
今年白數莖有興不妨來信宿無山何以慰平生雙趺暫假  
蒲團息夜夜深林鳥打更

訪蔣丹崖村居

編蓬區別業寒色上袈裟野水涵修竹漁舟載晚霞臨風秋  
作意近日眼生花自喜請蔬譜來年且種瓜

元智

字松月號東梓秀水劉氏子  
周浦永定寺僧著聽濤集

錢仁榮曰松月初住上海  
大悲閣次主周浦永定寺

江樓雪夜書懷

江樓風雪夜獨坐轉淒然鄉國別千里音書斷十年烏啼春

到後梅放客歸前病骨猶存傲飄零不受憐

宗龍

字御飛號東麓平湖曹氏子獅吼庵僧

錢仁榮曰東麓父茂茲晚齒髮于邑之獅吼巷遂以父爲師亦脫白焉尊依雪川老人印證爲嗣與天台教觀第八世開法禾之白蓮次移漏澤晚居泉亭之崇光

秋江晚眺

青楓浦上亂帆收紅蓼洲前野鷺浮何處漁人吹短竹一聲

劃破五湖秋

聖潛

字獅林號浮山平湖陸氏子著葦香詩草

錢仁榮曰浮山母見紫衣僧入室而生禮德山妙峯脫白

遊南邗理安寺

朝爲南邗遊暮宿理安寺林壑萬籟清石樓孤霞寄簷前河漢流窗下斗牛企高卧聞清鐘冷然發心地

兩浙輟軒錄

卷三十九

元智 宗龍 聖潛

清

白龍潭

白龍躍已久蕩漾碧潭空漁父扣舷去桃花兩岸紅層城連  
睥睨香塔映玲瓏懷古臨芳渚滄浪動晚風

大熙

字自昭  
烏程人

山居

懶問人間事貧居愛寂寥清泉流密竹亂石架平橋村遠無  
雞犬巖深斷牧樵悠悠此歲月麋鹿可相招

祥超

字靜一  
烏程人

村居

地僻風霜苦溪寒鷗鷺羣攜筇避夜月掃石坐秋雲水氣浮  
煙合嵐光隔樹分居常無別事矯首對斜曛

廣筇

字楓肩  
烏程人

登道岸步月

碧梧翠竹迴雲端古洞幽深瀉急湍松梢烟拂僧衣薄澗底  
星搖佛火殘

正挺

字天眉  
烏程人

晚春至龍華陂和尚方丈遇喻指和尚話舊

倚棹周遭百里灘侵衣嵐翠入蒼寒儘教白髮專邱壑未許  
青山屬宰官竹裏炊煙迎戶濕梁間燕壘泥乾行藏擬向  
天台去及此春風花未殘

道權

字朗公  
烏程人

言志

非敢薄名利泉石交自深踞坐長松巔廓然開我襟不見山  
下路往來成古今

兩浙輜軒錄

卷三十九

大熙 祥超 廣希 正挺 道權

五

江干晚步

爲惜雲巒晚兼憐秋後天路窮江盡際容散月明前村杵滿  
空響漁燈隔浦懸舟人聲沸處潮落正開船

德雲

字半明  
烏程人

曉起雨窗卽事

卧起推窗怯早涼憑欄極目曉蒼茫亂雲忽作千峯雨旭日  
還開一線光遠近山家茅補屋寂寥僧舍芋煨香寒江幾處  
羈栖客坐對秋聲欲斷腸

夜歸

爲訪鄰僧夜泛舟水煙冥漠一天秋雲堂鐘靜歸來晚風在  
庭梧月在樓

南潛

字寶雲一字月函一作月岩烏程人靈岩  
寺僧著豐草菴集十八卷又寶雲詩集



沈德潛曰月出蒼娃說名若雨字明尚昔份曾孫本  
黃生中庚出家吳之靈岩寺詩思路手筆俱不凡  
吳興詩話董西問說字若雨名著復社詩選明詩綜  
二首其體草卷詩如雁字落紫諸味麗句清詞不拾牙  
慧絕無詭奇氣忽爲僧號南潛趾玉樵瑒賦若雨華  
一且獨賦淨域自號月涵每一出游則有書五十卷隨  
之雖僻谷之深洪濤之險不曾離也徐昭法坊避地山  
中與月涵書徐往還并贈詩云茗嘗多隱  
淪沉冥老湖浦一鳴其於如法音震天鼓

夢至梅里覺而賦詩老母嘗過梅里

晨起意不憚夢斷吳天空極目西南角越山看幾重夏雲無  
意緒誰作千萬峯遊子亂方寸躑躅將何從

和店人宮人入道

聽斷昭陽鼓吹聲道家衣向御前更已拋團扇三秋怨却勝  
琵琶萬里行畱錦祇謀裝秘笈買絲還擬繡飛瓊天家異日  
齋香使白髮宮奴記舊名

招魂曲

夢魂夜逐青桐葉，飛落秋園作蝴蝶。  
一星鬼火入筵青，法王院榜招魂帖。  
靈旛翦紗錢，翦紙月黑松搖古巖鬣。  
高僧呪開枉死城，精靈隱隱啼秋怯。  
嘯聲認得故人魂，猶帶生前舊家俠。

聽雨

梧桐滴瀝客心驚，秋雨能吹白髮生。  
孤館燈昏惟對影，麗譙鼓濕不知更。  
前宵松月疑塵夢，明日泥塗聽屐聲。  
尋著漏痕當屋角，夜深百匝繞書行。

懷閩湘人

苔山清絕碧湖尖，配得秋吟鏡一奩。  
乍道詩人依杜甫，更從字母入華嚴。  
補鍋得伴還低語，擲卦無錢只下簾。  
貧士傳僧

文士傳寄言信史不妨兼

漫興

繭紙烏絲石筆牀小橋流水帶書堂  
白蘋風裏思漁艇蟋蟀聲中話戰場  
窗記夢鄉初落葉客評書價又斜陽  
一庭雜樹無心理薜荔牆邊放竹長

落葉

疎林無奈撲新霜木落天高欲斷腸  
兩岸啼鴉愁客路六朝宮闕滿斜陽  
風生夕浦江湖上老對秋山感慨長  
日暮漁樵歸未得短亭風冷話興亡

行宏

字正法  
烏程人

球溪訪僧不遇留題靜室

芒鞋叩遠公雨滑亂腔通一水四溪口  
雙扉萬壑中榻懸僧

未下鋤返悵誰同尙得誇殊獲山雲滿袖籠

秋晚山行

秋色正無際高天來晚涼溪遙仍活活行到但蒼蒼葉落樹  
形古日斜人影長寺深頻問路隔嶺辨紅牆

寄懷振琳師

繞屋蓬蒿一徑通惟餘竹榻對疎桐既然有夢到天姥豈得  
無詩懷遠公揮塵元風虛講席攜筇白月滿琳宮茅齋日日  
家常飯石上遲師薦晚菘

智照

字蓮伯  
長興人

過靜一溪莊

何事出林麓故人久見招野田分小路荒墅帶秋郊枯柳橋  
邊臥寒雲湖上高君家山水勝窗裏見漁樵

送蘭如法兄之五臺

歲暮江南路相將北雁飛久知寒苦地六月未春衣雲水五千里擔囊獨白歸傷心湖上柳故作綠依依

行瑩

字雪波  
長興人

深秋吟

何須玉粒煮香秬却喜逢年勝力耕勿謂謀生妨學道久從物力驗人情將貧博健差娛老得句舒愁漸已平倚杖衡門慣相見歸樵幾輩過柴荆

智慎

字逸山會稽僧  
著散菴詩集

天荒石檻

一檻中分上下山瀑流飛濺臥雲殘松蘿石畔看晴翠六月溪風似臘寒

暮春

雨後深山長蕨芽，一溪流水幾人家。  
窗前滿地皆春色，紫燕猶銜別處花。

智恒

字唯卷會稽僧  
著《岳一詩鈔》

舟居

一舸藏深壑，橫溪傍野航。  
草熏天影綠，花帶水痕香。  
江暖知春草，人間覺晝長。  
鷗鳧同泛泛，有夢到滄浪。

桃花塢

一片無塵地，翻爲有恨天。  
洞留仙子跡，春洩祖師禪。  
點衲還如此，尋源卽杳然。  
靈雲心是鏡，了悟自今年。

懋方

號則崑  
會稽僧

宿雙峯古剎

古剎雙峯裏清霄愜勝遊僧歸雲滿袖詩好月當樓梵唄參  
禽語松聲夾水流翛然人定後欹枕數更籌

遊靈峯寺

靈峯寒翠鳳鸞吟爲訪名山識道林松葉蒙頭巖路轉梅花  
灑面曉雲深蕉窗掃榻來今雨石鼎煎茶話素心興廢百年  
歸浩劫殘碑零落綠苔侵

祥毓

字永文  
會稽僧

長壽禪院

野水無波到底清短蓑孤笠狎鷗盟數間老屋前朝寺幾樹  
寒梅太古情剝雪白添茶竈冷落霞紅襯竹樓明蕭蕭入夜  
詣天靜何處風來送磬聲

元宏

字石庭會稽人平陽  
寺僧著高士詩集

西河詩話中元節越城多作孟益會時石庭宏公寓  
 香城寺寺北樓正當巖耳石庭與既白戴夫兩和尚夜坐  
 山亭今巖特荒塚耳石庭與既白戴夫兩和尚夜坐  
 見諸祀賦者吹蟬擊鉢繞山脚至山頂盤紆而上每三  
 丈許燒紙錢一堆凡百十堆忽死灰燼初看有火如毬色  
 去里許而絕山頂一散為千萬丈淡綠微紺宛若樹  
 正赤根淺碧迴旋而起散為千萬丈淡綠微紺宛若樹  
 星是時山樹燦爛俱燦然復見灼然中有竊衣者約  
 數百輩剛火迫視若檢括其中之所有甚有捨擲顛仆  
 臥不能起者刻餘無不如是怪事也次日過余話其  
 矣而下凡百十堆無不如是怪事也次日過余話其  
 事且出三公聯句示余石庭詩云野火青葵明後誠照  
 見衣冠竊如雲婆娑影倚西風偃蹇鬚眉對秋月  
 夫詩云微光未散紛爭掣餘燼猶存互糾結孤墳寂  
 臥麒麟高草翹翻宿蠅蝶既白詩云我乍觀之播精魂  
 及久視焉辨髮髯歌香鐘鼓沈夜色若茫幽咽  
 蓮坡詩話高雲和尙高風逸品卓越一夜所著詩文如  
 蒼松翠竹老面愈秀向受龍顯主人供養後住平陽寺  
 有高雲詩集紅雪秋聲詞康熙丁酉來都過余西廟  
 利那接詠覺有夙契因授香代為佛事一時會下諸人  
 柳亭詩話寒泉以文字少香片之西山和  
 莫不異口同聲哀然成帙獨石產宏公為能擺落一切  
 自成機杼其全集于嘗片之西山和  
 尚取入法苑英華皆琅琅可誦也



越風高興各體詩以七言  
寫勝綽有風情喜無納氣

江上

月出篙工唱歌聲入睡清燈光圓客夢霜色苦雞聲野飯分  
鄰衲秋衣共友生高堂回首絕誰更念孤征

懷何雙山

桃花春水棹笑讀沈郎詩從此一離別秋風八月時白雲孤  
鶴夢香草美人辭嫋嫋餘音好高天候雁遲

送祁旣朗之長沙

落日寒山驛路斜朔風吹雪冷飛鴉十年師友悲離別千里  
關河感歲華帝子佩環空北渚才人辭賦屬長沙君今亦有  
離騷句吟向湘妃廟口花

若耶溪上詞

黃鸝聲老雨餘天寒食山村午禁烟折得柳條青滿把也來  
插向寺門前

雨歇千峯積翠開溪聲飛落白雲堆竹編小筏桃花水載得  
人從天上來

山行

山村處處採新茶百道泉聲遶幾家石路行來微有跡不知  
滿地是松花

送徐雙澗歸履溪

地僻幽栖老薛蘿白雲高臥意如何扁舟歸去隨明月三十  
八灣流水多

過曹山與冰公話舊

圓澤重逢錦水邊楞伽石上十三年幾回相過幾回別又是

爲花雨後天

悼舊

把卷臨風獨黯然清才子晉早成仙空餘緱氏山頭月不聽  
吹笙又幾年

宗音

字谷云東陽僧  
著松關詩草

正光松關詩草序畧曰谷云三十餘年以大事行脚  
吟誦讀去書專攻由參尋證入之後涵泳性情遊戲翰  
墨七言五字皆清淨心中所現之放光  
三昧與詩人比興無心摹擬暗合國棧

答映公

孤危懸徑讓公登別有峯頭到未曾一語遙投深記取手中  
拄杖是烏藤

古洞夜燈

一照清光透嶺腰何人深坐此青霄定知仙子移棋局採得

松肪徹夜燒

正普字實賢東陽僧

金華詩錄正普居縣治泮水西一音院詩工五言南山草堂云竹深僧夢綠花密鳥聲香華嚴院酬心融大師函別云拈花因悟果擊竹為虛心頗有九僧遺韻

漫吟

林間鳥亂啼似說春光好花柳雨中寒惹得詩人惱

振濟字古衲東陽僧著靈竒散錄

雜詩

看山無遠近涉目生佳賞白雲得我心却來同俯仰  
行行綠水濱俯看水中鱗纖鱗未及見第見蒼顏人

超凡號雪室海寧查氏子出家為僧住持蘭溪廣長菴著芝崖集

樓上肩曰廣長菴即古之保寧禪院也雪堂能詩善畫為毛西河施愚山所重所著芝崖集張集以雲鵬王鶴

潭宗炳  
序之

宿白沙驛

晚泊隨漁火，遲眠傍野鷗。  
心閒黃菊圃，夢穩白沙洲。  
山靜月微吐，溪寒波細流。  
寬來情境寂，聽報五更籌。

八月廿七雨喜濱逸大師馮丹九秀才至

不期今日雨，又點碧苔紋。  
竹筧添新水，松門老宿雲。  
鐘聲鄰寺晚，人語隔溪聞。  
誰意來高駕，空山正憶君。

真悅

號逸樵仙居僧俗  
姓朱著偶樹柴

陳卓曰逸樵爲紫陽奇羅宏載稱其  
以名儒而參淨理不離主解主敬

冒雨曉行晚宿西山寺

帶雨扶筇破曉雲，西山投宿已黃昏。  
逢樵但問難行路，見月還思未到村。  
正欲買舟浮剡水，還宜披髮嘯蘇門。  
眼前無限

征途怨草屨侵沙只見痕

正解

號伊我臨海僧著藟藟草

送張人紀還武林

水脊山稽十數年忽驚烽火促歸鞭多情遺我剛琴譜無計  
留君住畫船夢入梨花三竺月歌殘楊柳六橋煙彩毫揮處  
誰能識一度相思一愴然

普映

字聯輝東陽僧

山行歸對月偶得

浮蹤自許片雲同七尺烏藤在手中擔取九天飛瀑下歸來  
獨坐煮松風

大涵

字映雪吳江人姓潘氏出家爲僧主海寧安園寺號雁黃和尚著遊草五卷

過富陽

老來漁釣漸相關，盡日舟行目未閒。翻怪晚風情太薄，急吹

人過富陽山。

趙指字君光號開菴永嘉  
居著小巖山集十卷

夏雨作

幽窗積翠深衣潤，雲痕冷雨釀五月寒。鳥啼一山靜，泉蹙澀

魚行松瘦作秋影。

徑山

一徑松杉冷隨雲，到上方錢塘江縹緲。天目影微茫，古塔瞻

龍子重樓接桂香。峯峯青可住，幽處鳥銜芳。

乙丑仲春余坐華下喜迂霽兒

春風悅衆鳥呼友多佳音，引我就花影讀書懷古今。谷傳楚

異韻蘭喜客同心，一見驚相逐。依依情自深。

坐雨次周非臺居士韻

晨昏不厭對芙蓉雲裏微微露一重  
焙笋每嫌吹濕炭采樵  
幾度卜晴鐘泉飛樹杪初開徑烟落  
岩頭出盡松對客論心  
忘寂寞米家數筆雨山容

彬遠

字秋蟠號嘯翁永嘉人杭州東郊相禪院僧著村居詩

清波小志學士橋側有笑隱菴又名法喜院老僧笑魯者居之予童時見其人自言從董宗伯其昌陳徵君繼儒游故其書法不落詩蹊每朝夕往來橋畔眺望湖山意有所得輒賦小詩一日舉一燈千古夢萬壑老倒寮二句示予是時余未知詩也後歸天台山年餘復求沒於菴中繼席者為賢菴其徒彬遠奕是但能詩彬遠別字秋蟠詩尤超縱大有青蓮風味

碧澗詩話清翁所著刻以流傳者有村居以後詩三卷居清波小志知續翁之師為笑魯又與陳翁同輩有奕是但能詩今皆不可攷矣

讀雅黃先生遺稿



木落當殘歲孤墳一望春黃泉雖有汝草野卽無人子舍圖書在湖山翠色新定知高妙處長與白雲親

示越僧

一椽聊自息閉戶莫辭貧養壽宜忘慮居村必近隣無求原率意有道是遺民眺壑亦吾事相攜到水濱

寄紫凝

參差亭榭歲華新湖上幽居傍水濱辭賦終能爲棄物桑麻自可作閒人林光不斷飄殘雪草色無窮望好春婚嫁少完兒女事早來東郭結比鄰

題曹將軍水廟

斷碣依江口荒祠落照平人煙雙徑出古木一橋橫水國蛟龍氣靈臺鳥雀聲千秋功業在廟貌獨崢嶸

靈曆

號攝菴太平孫氏子永嘉寺僧著鷲音集

南沙文集攝菴方授室遁去爲僧嘗修懺永嘉寺中一老禪自稱宋徽主慈雲大師端坐聽講畢舉古木香爐贈師曰善持之忽不見由是心地發明若有神助曾職八十一

方正學先生祠

手撥濤濤觸逆鱗心期取義與成仁垂髫已熟聞斯道晚節何難致此身草詔不從惟有死麻衣著後更無人是非兩字模糊久且喜先生識最真

德音

字默聞號雪庵嘉興屠氏子著擊竹詩草

秋聲

空齋閉戶坐禪清忽似波濤驟雨生驚起滿窗山月白世間何處不秋聲

秋懷

曉起憑虛閣，俯然倚短筇。地高先見日，木落不遮峯。僻性從  
余懶，交情讓世濃。凝眸時兀坐，隔巷殷踈鐘。

曉菴

曉菴殊絕勝，位置得天然。結宇全藏樹，浮橋別引川。鳥鳴殘  
照外，鐘落翠微邊。惆悵風塵客，何時息一肩。

送陸堂先生北上

竹邊纔逢步屨過，又經判袂賦騷歌。帆隨湖水碧流遠，詩占  
江楓紅處多。萬里飛鯤乘海運，三秋健隼向雲摩。春風得意  
如相憶，瘦句翻憐月下哦。

本源

字元菴  
湖州府

過王嗚菴舊居却寄郡城

菴城摩詰在，久不住嵩阿。白日攜筇到，青山送客多。林空一

片月澗落萬重波知我無如子秋深幾度過

趙復

字祖雷臨海僧苦巢雲集

過沐簫寺

沐簫泉下寺面面是青山草徑穿雲竇柴扉傍石關虎驕行  
竹外鶴老戀松間高士幽棲處寒雲自往還

趙源

字蓮峯錢塘人吳中怡賢寺僧

沈德潛曰蓮峯蒙

世宗皇帝召入內廷

勅主吳中怡賢禪寺其詩揣摹王孟泉釋典元妙融化出之殊有空山冰雪氣象

夢故友程風衣

春雨何淅淅春雲更沉沉程君已隔世宵夢來相尋自言身  
朽心不朽象外風月皆吾友從前膠擾海天空祇是泉臺無  
美酒斜陽煙柳門前溪欲別不別重牽衣寄語淮陰小兒女

我今野鶴同儼飛

題畫

春浦風生柳岸斜好山何處著人家白蓮遮斷橋西路不許  
漁郎問落花

友人在過開化寺

青眼多情客攜朋問暮秋人同山共瘦時與水俱流黃葉迷  
村路清風滿寺樓荒涼郊外景肯向銷囊收

寶彭

號紫松祝髮于東郊崇  
福寺著山房敝帚錄

吳穎芳曰雍正癸丑

朝廷選僧宏法寶彭預其數明年  
命住揚州天寧寺後常往來武林與報國楚公善所著詩文  
語錄海昌法姪福堅爲之記錄鴛湖覺超爲之編集

過靈隱寺奉輓諦輝禪師

夾徑祇林蒼靄中靈山已散杳難逢談經曾點他山石入室

空聞上界鏡溪烏銜花遺舊路洞猿抱果下前峯我來問道  
殊堪憶雙塔岩頭掃落松

秋夜棹槳迎晤河臺東軒公二首

閒來無事意徜徉短棹徐行過柳塘月色波涵和鷺白稻花  
風捲到船香論詩每至掀髯極選佛須同及第強江水瀾漫  
秋樹外板橋深處野風涼

轉憐嗚昔話錢塘著頰頭陀無一忙白豆花寒詩味苦秋池  
水瘦藕心香支筇吟緩鳩移樹倚檻思豪月到廊宛爾十年  
成電拂吳山越水總茫茫

月夜懷東園諸道侶

合如墜葉集散復浮雲還真際既無著寒松何以顏開襟各  
勉事落日同歸山懷哉二三子此道用躋攀

遊道場山寺

啼猿走暝色峰影下儂陰一鳩夕陽滿四山寒葉深雲開不出岫僧老似無心他日還來此元踪細細尋

窗中望雪上諸山

遠山孕奇姿與水無諂色日夕湖上閒閱爾雲霞跡靜凝萬點烟錯落青螺髻長風蕩層嶂霜斧削巖巖舒卷夏雲奇夭矯龍蟠屈曙色明遠矚雲海青蓮出霧蒸倏異容雨動川蜚捷縱橫入杳冥絕壑巨靈擘遙想彼中林萬物爲窟宅洵知劫燒初水勢爲彼劣吾將約畫師挾此赴靈闕咨彼無垢人拾月肆輕策復憶錢江上磅礴吞吳越又似雲中驥騰蹶過萬匹勝境猶在眼寤寐閃蒼碧望之良懷新蓬廬吾將闕

池上留別楚公

法子不苟出是名休夏居蓮因心地白齒爲菜根疎送我池  
西口離齋竹下餘清香披拂盡日暮始歸廬

趙直

號洞石鄞縣陳氏

清波小志竹間石年二十餘來錢唐推髮於湖南白蓮  
湖卽今雷錫庵也受老僧盧舟付囑少時未嘗讀書後  
得定力輒能解卷帙之蘊甲辰七月王先公被執至武  
林至九月七日就義從者二人同死焉石公共收而瘞  
之南屏之原石公與予對湖而居刺舟來往無虛日賦  
詩多散體之氣不可以格律繩之與四明萬充宗黃賢  
子王白民及錢鼎齋漢中兄弟並稱至好乙卯三月忽  
作詩一絕并大書案上曰斬斷葛藤斬斷葛藤遂立化

絕句

我向平湖去他年當復來白蓮千百朵知爲阿誰開

靈傑

中印峯天南房傑

碧溪詩話乘傑與黃松石同時上竺選子殿是其興建  
著十竹軒詩草乾隆己酉從自雲房省齋上人借錄

鼠齋箱相窺竊膏油撥亂書籍終夜不靖時未立冬腊



臥煙樓若不聞也戲詠一詩以儆昏愴

高臥煙樓待歲闌伊威同穴竟相安穿墀入室方爲難蹈火  
尋門且禦寒但見饕餮由釜餓不知薪水缺盤飧食貧累汝  
都窮餓吾亦隨天付鼠肝

大開

東陽法興寺僧  
新刻草八卷

吳明杰制草序畧曰予嘗同徐書山大酉讀書法興寺  
於壁間得大開詩二首語殊奇詭異之因覓得剝草於  
族兄泰家爲刊

行其十之三

樓上肩曰大開不知其何許人乘黧間雲游湖南北有  
問及其姓氏者卽走之抗住雲林寺復有得其氏族者  
卽走之東陽住持法興寺寺方廢大開爲起之初掘起  
得赤烏紙已復得永平縣接寺係東陽名剎人言寺有  
永平縣宋俞嘉祿鐘胡頭鶴  
盡虛并大開詩可稱四美

山居

自入白雲端枯榮總不關補衣收榭葉掃石看秋山鳥下依

人靜蟬鳴隱樹閒每攜孤杖出多背夕陽還

秋夜感懷寄乾巷

忽忽秋過半悠悠歲復增夢回三楚寺寒逼萬峯僧竹響搖空雨砧聲搗夜燈蕭騷無限意據寫欲何憑

元璟

字借山初名通剛字以中平湖人化武菴僧著完玉堂集

居易錄會稽釋子元璟投詩為贊頗有秀句如相思若鷓鴣鳥咫尺隔風煙却納司吟卷門生致酒發風曳鷺黃淺寒吹鷓鴣絲平生看香蝶子吟到闕城清鏡來木末白鳥落風濤人家收拍子佩葉著霜花晚葭分竹圃秋水繞籬樓煙中多翡翠花裏又鈎轉一笛破寒消千帆淡夕陽懶呼猿引客閒許鹿參禪試看青蕪蒼倒浸碧

瑣

沈德潛曰借山以詩受

聖祖

知居京師久後南歸雍正丙午歲與子遇於天宮佛寺

名流或在時炎月借山裸程指子曰此即長洲沈生耶既出詩稿相質為點出取闕處輒心服別時整衣送半

里外知非一例傲岸吉也惠天牧學士不替許人向人每爾借山即詩品可知矣

陶元藻曰借山爲木陳和尚再傳弟子康熙間遊京師  
放誕不羈人多謂非菩提種子而心實無他爲詩秀健  
頗除蔬筍氣如盧溝橋馬  
家山二詩大似見道語

過楊鐵崖故里

卜築精藍似淨名愛他三絕擅平生  
梁條綠滿門前徑客到  
幽禽啼數聲

瘦策衝泥訪鐵崖銅坑小喫雨前茶  
無端攪亂春愁客屋角  
一枝山杏花

盧溝橋

日色纔分萬衆雷黃塵漠漠馬蹄驕  
題詩笑問桑乾水曾有  
閒人過此橋

馬家山

山脚山腰盡白雲晴香蒸處盡氤氳  
天公領畧詩人意不遣

花開到十分

龍井

蕭晨理孤策千峯若新沐參錯風篁嶺玉龍驚飛濺乃撥白  
雲路崎嶇到巖腹巖深雲亦腹中迸此一掬涓涓流石脈乳  
花涵淨綠噴作晴壑雨珠璣灑萬斛真龍杳不見但有蝌蚪  
族翫而思呪之脫復示伸縮雅愛稚川翁到處抉泉目烟老  
丹竈荒渴飲求麋鹿牆陰淮海碑別鮮再三讀妙絕南宮書  
仙骨無凡肉顧我抱孤僻芒屨幾往復洗耳破寒聲短詔鐫  
修竹

十月朔入會稽山平陽寺參寒泉老人

雙眼平生隘八垓江東法社半蒿萊波光清泛耶溪曲山色  
爭奇委宛開鐘自萬松陰裏出人隨一雁影邊來須知水乳

相投合繩石磨瓢挽不回

蛟門

十丈帆張五兩風笑談間已出蛟宮兩拳石東波爭立一隙  
門開天忽東雲壓鼉頭蓬島黑日翻魚眼柁樓紅平生夷險  
經曾慣要吐胸襟浩蕩中

答徐文虎

倅長詩骨玉森森頤我城南祇樹林入夢幾人飛白鳳登臺  
終古弔黃金塵中歲月愁將老霞外心期話自深若得把茅  
蘄谷近瘦梅花底共清吟

下南高峯歷無門石屋諸洞尋演福山房松竹連岡奇  
石林立茲山之絕勝也借墨題其石

既振破衲衣餘興尚縹緲還從一鳥下林壑極幽討接藤挂

蒼壁腰脚怯窈窕古洞若旋螺嵌空覩天巧洞口得風磴吾  
首時一矯東城十萬家刀尺聲方擾淺黛掃南屏闔著西子  
好北峯亦低昂肩比嫌弟小俯視三面山多作兒孫繞松門  
攢石筍不數仇池妙竹光夾老屋晴晝波浩浩奇樹穿石腹  
艱難到合抱吾欲卜吾廬歇脚悔不早樵子歌入林歸鴉亦  
稍稍選石偶畱題自晒跡難掃

西溪結茆奉酬塾園翁先生

入山媿未入深山黃茅一把叢翠間掃花飼鷗起我早了無  
別事分餘閒西溪溪水白於絮舊是先生垂釣處茶煙竹粉  
滿溪香不礙輕鷗自來去

觀我

字成己一字存幾平湖  
人西巷伯魯西溪詩存

憶松存菴水亭

湖亭曾記昔年游  
堤柳參差繞碧流  
院靜一燈常不夜  
竹涼五月已如秋  
池邊鷗鳥忘機狎  
石上曇花散影幽  
歎息此身閑不得  
相思空擬盪輕舟

宗相

字卓仁永嘉張氏子深溪僧著耕餘集

春日訪延福寺存如大師畱宿

春日遊遊興飄然過  
深東寺藏修竹裏  
徑入白雲中  
洗鉢香泉活  
穿花野鳥通  
談禪銜茗  
挽新月上簾櫳

無名和尚

台州僧住吳中銷夏灣

陳焯曰和尚住銷夏灣破菴中不持經卷絕粒半月不死食可盡三斗米能詩有浙西名流崇包山咏梅押案字未成和尚口吟秋眼幾粒喪寒霞鐵骨一條眠斷雲衆奇之雍正癸丑十月化去

口號

電光三癸丑住世無可住  
青山萬壑雲是我來時路

兩浙輶軒錄

卷三十九

樸我宗相無名和尚

星

超奇

字雲可臨海  
僧著蓮湖吟

秋日書懷

庭際日將曉飛鴉猶帶霜呼童掃階葉有客過茅堂雲散星  
河斂秋深枕簟涼佛香猶未上覓句下長廊

元尹

字宇亭昆陵人姓呂  
氏主海寧安國寺

山居

吳興歸  
室巷作

篋滿黃精甕滿壘生涯隨分足幽棲青遮茆屋松千樹綠繞  
柴門水一溪世上休言蕉底鹿山中不蓄枕邊雞新鋪草薦  
繩牀軟睡到天明鳥自啼

題天嵩上人邨居

星構孤邨畔門開五柳邊小橋斜入圃狹港曲通船窗白松  
梢月簾青竹底烟誰知悽隱意不必在山川



端文

字道揆號愚山桐鄉人姓吳氏出家海寧之慶善寺著愚山詩鈔一卷

俞寶華曰端文爲復顯孫行工詩早卒

曉至淨梵寺

流泉決決瀉清溪  
曉策烏藤上翠微  
行盡白雲間  
犬吠坐來青嶂見  
僧歸殘花如雨飛  
松逕清磬隨風度  
竹扉試向高樓舒  
望眼千岩紅紫亂  
朝暉

宿水樂山房

片雨過青山  
深林獨掩關  
有雲來枕上  
無夢落人間  
地僻塵盆遠  
泉流意趣閒  
清音聽未足  
風竹更珊珊

名一

號雪樵嘉興白蓮寺僧著田友詩鈔

夏日侍焚虛老人過松靄山房有詩奉和原韻

餽客依然茗椀香  
山中清福肯分將  
落餘松子晴疑雨  
聽到

泉聲夏亦涼樹老半經蒼  
薛蝕僧閒翻笑白雲忙  
偶來陪坐忘斜日欲去猶憐石一方

本白

字楚蘄號漱水嘉善人著有二竹軒詩集

春寒

病裏年華草木知孤雲來去更無期  
等閒清興難消却忍凍開窗看竹枝

又和朱可石元韻

更何須遠覓春華只兩三枝瘦影斜  
坐上賢人惟臘酒世間冷友是梅花  
已從天分營幽趣却遣詩魔撥出家  
笑我病衰爲物轉一篇知了一篇除

除夕

去歲歲除憐臥病今宵堅坐數寒更  
諸緣易謝身猶在一事

難拋詩又成。黑白子邊多。士負忙閒案。裏老僧。癡狂言直欲。  
驚天上。或有人間月。且評。

福源寺

福源源不竭。水遶梵居清。塔自通天語。橋能接世情。挂瓢來  
十月。拂石悟三生。木葉飛新埭。空懷二陸名。  
寺係陸五臺與弟雲臺所建

瑋堂

蘇州人天台僧

張廷俊曰瑋堂詩乾隆丙子春遊天台得之壁間錄而存之

拜經臺

不上拜經臺。安知天近哉。露寒山果瘦。風定竹房開。坐石看  
雲去。凭欄聽雨來。巖花香自落。片片委蒼苔。

重上拜經臺

扶筇又上拜經臺。烟樹依然覆碧苔。飛鳥盡從雲裡落。巖花

常傍日邊開未登嶺半心先怯纔過山腰風便來說與世人  
皆不信請君到此自徘徊

過華頂菴

輕烟漠漠雨初晴曲院深深草自生久住有僧忘髮白偶來  
無客不心清簾開東嶺迎朝旭門掩西風聽竹聲愧我浪遊  
難自寫年年空負買山名

如理

字庭敏號日齋  
仁和滿月菴僧

阻靈峯

白雲留我山中住故向靈巖鎖不開乍散乍浮還自合飄然  
一朵進窗來

夜之蘆菴

衝寒冒雨過餘杭更買扁舟泛野塘水靜秋深無犬吠隔籬

相喚煮茶香

復顯

字夢因號雪廬姓張氏桐鄉人出家海寧慶善寺後主揚州建隆寺方丈著雪廬吟草

袁枚曰雪廬詩兼眾體而思力所

到處俱有清蒼之色馳宮之韻

蔣士銓曰壬辰余來揚州知雪廬名借同年生棕亭教

授造訪鐘魚佛語吟聲滿林師伏几手披口授訓兩僧

雄請書臨帖帖吟學究予竊異之棕亭曰此靈山

童子者曰巨超曰道揆乃師之孫行也詞氣既接儒雅

澹流以視動容於宰官富人者怡然自適所著雪廬

集冲淡婉約中蒼秀挺藟氣灑在大歷元和長慶間

同人天寧寺竹岡閑步分韻得半字

愛此修竹岡行吟共蕭散烟開鐘磬餘氣爽陰晴半林深翠  
影稠風急蟬聲亂避炎固所宜尋秋彌可玩遙山白雲生近  
水野田漫眺望意何窮沉沉日將宴

瓜渚晚渡

日暮風初定潮迴波漸平人爭瓜渚渡船倚荻花行鴻雁橫

江急鳧鷖浴浪輕御帆京口近燈火已微明

際源

字微淵湖州人北郭報福寺僧

陳焯曰微淵僧戒律精嚴尤工于詩兼精山水梅竹

南湖夜泊

檣李城邊人語靜釣磬磯外水連天蕭蕭蘆荻風吹雨絲絲  
蓬窗估客舫

上緒

字亦諳號近溪錢塘人有盜後樂

移居葛嶺用淵明韻

昔慕湖上山今愛湖上宅移居遂我情湖光見朝夕人生靡  
有常何事苦行役苟能釋俗氛何妨門閉席栖栖矯世者事  
恐易今昔不若倚仙翁丹經相判析

近抱璞子隱處

移居南屏再和陶韻

一歲三易居未始安其宅昨尋南屏幽日隱雷峯夕故人適  
嘉招欣焉從茲役精廬下瞰湖波光如綺席西吾開山僧也個儻  
儔事蹟迴往昔余方慕道深理應從此析

酬葛陂

園扉亦何好蒼翠饒松竹月出含清暉溪影播空綠素琴誰  
與彈高歌誰與續慨然念良友幽思結心曲忽枉巖中作披  
緘興躑躅何當訪傲廬思君如瓊玉

湯紹衣月夜過話

小院鐘聲徹空山遠近聞何人知此意有客獨尋僧野竹迷  
青篠溪花覆紫藤惟應無月夜孤寢照松燈

七月望後湖上有懷

良宵安可寢秋月此初圓寥寂山中客淒清雨後天放舟孤

嶼側聞曲斷橋邊不禁懷人意空波坐渺然

明中

字奕虛住持杭之淨慈寺

錢陳羣傳略曰恒上人明中七歲投楞嚴寺爲僧梵誦之餘兼習書畫嗜爲詩無蔬筍氣主淨慈講席適子

予告里居會過淨慈遺一聯云山空不厭僧常住詩好何妨

客屢過上四次巡浙幸寺中見子所題聯卽問和尚也能作詩麼

上頷之因賜

上頷之

因賜

一絕句

杭世駿序略曰西湖有二詩僧一爲亦詰一爲奕虛亦

詰癯而逸奕虛秀而腴亦詰主禪青院與錢唐詩人陳

撰玉几符會藥林鷹鷄樊榭唱酬亦詰沒而三人相

繼下世不能傳其詩也奕虛早侍

內廷荷

兩朝之恩遇歷主聖因天竺淨慈乾峯四道場人密後有詩

數卷余爲苴菴共十之三

四梁侍講山舟力任刊行

宿萬峯精舍

我身如孤雲去住在空谷偶來萬峯頭意倦便一宿水涼山



影沉樹暝人烟簇夜靜冷吟蟲秋聲散叢竹愛此風味清得  
句重燒燭

同人白雲山房看梅

問梅過靜域素侶兩三俱花影近山瘦雲蹤到樹無忽聽疎  
磬落轉覺晚香殊小立春風下幽禽笑撚鬚

東湖寓齋喜讓山自南屏至同集張鐵珊藝舫

念我棲遲久尋閒忽共攜浮屠烟水外逸士板橋西著意畱  
情話燒燈復小題如何先理棹寒月返蘇隄

穆門茶園設林竹田寸田過訪坐竹間亭分得竿字

五月空亭晝尙寒了無塵事得相千山光照眼青三面竹色  
侵衣綠萬竿風靜最宜僧入定月明好與客同看不妨覓句  
頻來往小啜茶香一倚闌

復園池上紅板橋新成

我來池上曉風恬，略約新紅映畫簾。  
藕柱荷花香乍細，漫闌秋水碧初添。  
隄平不礙船舫窄，雨過惟愁屐齒黏。  
柳外烟邊頻管領，月痕坐待兩頭纖。

秋日同設林竹田寸田汎湖至南山訪讓山分得師字  
荇繞船舫打槳遲，烟波潏蕩早涼時。  
疎鐘忽度秋陰薄，曲徑閒隨野色移。  
前夜清遊貪看月，故人相訪只參詩。  
琉璃燈下憐癩彭謙老，茶經是我師。

過吳氏餅花齋二雨出紙索寫洗研圖卽題於首

我來餅花齋，風日愛清朗。  
藤架葉初齊，新陰綠書幌。  
大几橫無塵，疎窗高且敞。  
主人示破研，珍在鳳唼上。  
洗滌日摩挲，能教我技癢。  
乃試古墨丸，圖成不盈丈。  
枯筆慚無師，巨崇嗟已

往聊對巖壑人烟雲借供養

秋日同竹田鐵珊四照亭看雨用賈仲穎詩句雨聲中

爲韻得詩字

短棹西風握手遲空亭茶話又移時四山雲氣曉初濕萬竹  
雨聲秋最宜畫愛米家新澗壑地鄰天竺舊題詩此間清景  
供消受試與芒屨訂後期

冬日歸乾峯

自笑身無定歸來亦偶然到門先看竹未飯且嘗泉曲磴  
秋葉深山少世緣年時方釀雪一鉢暫留連

嶺雲重葦山舫詩以落之分得覃韻

滿花居外淨慈南結屋如舟我舊探掃壁數峯原偶爾余爲山舫

離鈞一句此重參

用船子事

不須春水淨晴綠亦趁天風盪蔚

藍截斷眾流忘住相把茅翻笑活埋庵

題南山亭圖

南山山之幼置亭浚空青不假別名字榜曰南山亭鐘聲散  
林杪搗來凡慮醒當年汪孝子枕塊依松扇真氣貫巖石奇  
書出雲屏賢孫思祖德保護煩山靈懸知千載後草木有餘  
馨

壑庵池上納涼

追暑投深壑清風導我游層陰篩薄日涼翠潑高樓山向此  
中寂人於象外幽池邊閒弄水欲去更遲留

篆玉

字讓山西湖南屏萬峯房僧  
著話隨集初集二集三集

魯育靈話隨二集序畧曰南屏讓師情內典通儒家言  
書法入能品尤長於詩風骨嶄然其詞澹秀明約有初  
唐劉希夷喬知之盛唐常建劉春虛之風既刻話墜初  
集屬樊榭亭而行之購其集者戶限爲折復刻二集而

予序

傅王露話墮三集序略曰余歸田後徙居武林間爲一

二朋好聞入

西湖吟社得識嶺雲讓公知爲香嚴尊宿

其詩典趣超

夏不落言詮

畫漁餘話萬峯釋讓山性耽吟咏余嘗見其五律

有涼話竟忘久松風不斷吹一聯真得詩禪三昧

能詩卓錫湖上而讓山七絕特佳

俱

碧溪詩話讓公住南屏手葺山舫落成之日題詩壁間

者甚夥一時傳爲韻事予獲與其門人心舟交心舟名

法喜自號小顛能詩嗜飲嘗手示話墮集一編讀一過

近間小有天園紀得有登南屏絕頂看梅一律云云小

有天園本名壑菴菴外山半有南山亭汪氏主人初度

謝親賜所祝因各於亭傍植一梅爲壽梅凡數百本主

人識其事於亭上今亭已改觀此

詩存而南山亭之軼事可傳矣

山居雜興

半間破屋綠蘿牽一畝琅玕个萬千如此清幽乾淨地獨留

雲與鶴分眠

兩浙齋軒錄

卷三十九 第五

吳

沿餘不溪入城過法喜寺尋王荆公讀書臺

溪上人家溪上村溪聲不動自朝昏竹籬下瀨頭百里斜日  
沒櫂空寺門臺刺讀書名尚在碑殘刻字跡無存青山似識  
消沈意對客蕭然澹不言

赤岸獨步

黃鶴峯陰望不遙興高無待野人招最難認是深邨路賴有  
梅花領過橋

登南屏絕頂看梅

湖波塔影晚蒼蒼如此清遊合記將滿地落花黏蠟屐殘梅  
如雪曬斜陽路無里許出修竹日便幽尋隔短牆香色可人  
人可共遲留不比我來常

過柴微君世堂故居

草青青外女蘿長三徑無人已就荒  
燕故低回念寂寞我來  
輾轉感淒涼憶看蒼松間鼎會撥琴橫  
竹下牀蟲篆蛛絲  
等閒事年華彈指悟滄桑

過雲居借柳貢士

薄

訪戴上舍

延禧

新居

草徧崎嶇路秋蟲住復聲伴雲呼不出  
訪戴樂同行只見山  
當戶竟忘身在城沿籬摘青豆大有隱居情

重過佛日寺

寒食常從母踏青髻年郵路記曾經  
寺門樹老無花葉雲水  
僧空只草亭山色曉來殊可看溪聲  
雨後倍堪聽清鐘送我  
出桐扣里許春陰籬豆屏

鮑秀才

詢

招集東湖弄珠樓用蘇長公贈曇秀上人韻

送余還西湖卽用原韻留別

高樓晴敞東湖心，蒼烟雜樹交疎林。諸公先我艤岸側，同話水比前游深。就中箇無顓公相，珠盤互轉才殊像。瓶瀉千言頃刻成，評人我却從無妄。放筆大書無惡書，虬龍戲空波跳珠。恍然如獲髻中寶，孤篷不虛來當湖。湖墻周遭數十里，人家只隔一帶水。夕陽搖出幾漁舟，雁影葦花相披靡。如斯境界當極歡，尋詩畱別殊爲難。還期明歲重會合，嗚我無待霜楓丹。

舒明府同游花鴨諸精舍

又添幾點雨霏微，消受松風晚不歸。涼與故人今月共，喜逢老衲廿年違。泉聲恐放出山去，竹影從教向澗圍。如此清遊豈易得，合尋好句紀斜暉。

負米圖爲柳貢士

溥作



舉世有母俱有養能以色養十無兩柳子思親千里歸老人  
色喜頤几杖垂垂數莖白髮疎洞涓幾曲流泉響斗米殷勤  
慙遠表短衣露背腰背益娛親固在日承歡顯親豈外聲名  
廣此身直欲等鷓鴣燕趙郵程日來往臆說却爲聽者嗤畫  
餅難飽饑人想

春游月明菴適溫日觀巖葡萄

我前十年過毘陵人家門架三里修長藤阿誰剪取一株來  
硯北溫日觀師依影寫供虬髯僧僧雖月下誤攀摘堆盤馬  
乳空無策墨葉扶疎一壁陰山中下午涼秋夕電穿罅隙晴  
日紅老農助喜雲中龍欲雨不雨晝昏黑鯨魚吸海山搖風  
風風雨雨花時節滿頭瓔珞人如雪猿臂擎空虬弄珠懸顛  
若鬼眼睛凸如是所擬肯我不嘿嘿語句商量酬夕陽滿地

恣春游花陰幾曲搖扁舟

山居雜興

因循久不過山鄰種竹蒔花手自親我固愛閒成懶癖肯將  
幽事轉勞人

南山之北北山南風土人情漸漸諳不但鳥馴雲亦熟夜來  
常護我茅庵

蘇白二堤古梅漸疎近添樹數百株首春大放雪晴月  
上常繫扁舟於段家橋畔疑入衆香國中作詩紀之  
梅本無繁蕊梅老花更疎一樹無幾花香冷花如初乍添數  
百樹如雪瀾空虛扁舟載我至獨鶴游僧廬無言澹相對心  
與梅花如

上巳日同人展顧月田先生墓兼修禊事

喜得雨乍霽水漲春波澄翠山淨如沐瀟瀟青嶂嶂萬物欣  
有遂嘉我同游朋感茲今視昔千古如相承扁舟襄湖泊細  
路郊西勝故人墓在斯已憶三來曾深杯酌荒多情與草木  
增躊躇夕陽下一笠南山僧

范忠貞公襄湖勾留處看荷花憶與程中丞元章王觀

察鈞游止茲亭忽忽廿餘年矣追念舊遊感而有作  
菰蔣獵獵柳絲輕篷背難逢是雨聲持帶密邊簷緩下荷香  
疎處艇堪橫空亭任客自來去好鳥多情解送迎曾與故人  
當日共風流雲散廿年情

成鑑

字大圖號秋泉潮鳴寺僧

奉贈堇浦先生

謝絕高軒過閒居小巷幽頻添爭奕興全沒罷官愁酒不因

僧戒詩還選客酬惟餘懶殘輩心跡恰相投

實懿

字恭文號雲巖杭州雲居寺僧著雲集詩稿

觀中峯祖師麻履同黃徵君松石柳貢士漱夫及大恒

護山兩尊宿分韻

淨土詩已傳

師有淨土詩百八首遺脫更雙履異哉九尺軀却長足兩

屐

寺誌師身長九尺麻鞋長一尺六寸

不似初祖來面壁雙全爾西歸僅留一

公案孰非是默向箇中參未能窺奧旨了悟空諸有不得作履視况已數百年存亦偶然耳爲報雲居侶高跡徒仰止

少林攜履歸而日本來是可東亦可西一彼復一此中峯起

東城佛坐心頭藥心心印佛禪萬法空流水况乃麻履雙委

棄如敝躡人無出世觀認作中峯履中峯自中峯麻履自麻

履中峯視麻履麻履真稭麻履視中峯中峯真遠矣

雨後金江聲朱鹿田許初觀杭堇浦丁敬身戴鵬亭施  
竹田范容安吳鷗亭諸先生焚虛齋心嶺雲和上集

雲居壑湖上諸山

新霽晚涼生野水亂流蕩薰風自南來披拂葡萄架耆英來  
叩關念形不須迂相引望林溪談情憐休暇湖分一角明烟  
忽四山卸照眼翠如洗參差露臺榭隱南屏鐘清韻落茅  
舍塵慮久蠲除恬吟樂無價鳴蟬曳斜暉深壑冷九夏還伴  
閒雲眠參盡雲變化

水明樓望綠陰同戴鵬亭王蓉江作

山光樹色蔓藤蘿影入寒潭漾碧波遮遍夕陽清景密蔭來  
茅屋晚涼多煙痕老處春先去翠浪開時鳥忽過幾度尋思  
描不得七弦橫撫寫青螺

南屏萬峯山房同嶺雲作

團團笠影上莓苔曲徑門當籬落開春寺半隨湖霧隱曉鐘  
都度柳煙來茗甌憶與謙師鬪詩社閒從惠遠裁聽雨最稱  
山舫好黃梅重擬到香臺

清明日遊感花巖

在郡城紫陽山之陽

短筇得得傍松根踏遍山峯碧薜痕莎徑晴雲移覆屋山城  
煙柳亂遮門巖花開謝人垂老石字摩挲畫欲昏際此春光  
應共惜坡公遺跡有誰論

題寒山舊廬次桐城張文端公壁間原韻簡陸丈芑洲

機雲風韻見林邱圓笠方袍取次遊繞屋煙巒都入畫撲窗  
晴翠半垂樓閣瘦壁句供人賞時聽潮聲抱郭流相隔一峯  
行徑便聯吟好與滌清愁

閩重九同讓山瀟雲登疊翠亭故址分韻

閩九重憐菊攜筇到屋西青涵山不斷紅映日初低亭廢常  
甯蹟僧閒各有題低回頻不厭老我在招提

冬世山中話舊

屏息塵緣似鹿門客來曝背喜朝暾偶開雲牖邀寒照同上

山樵看雪痕冀北詩豪歸白社江南草聖共清樽謂歐夫秋  
波兩先生

更憐聚散擲沙似剪紙雞招舊雨魂社中江聲鹿田前輩黃  
松石玉麟徵施竹田諸

公俱  
下世

曩昔交遊僕指論風流雲散祇荒村梅花繞屋香侵夢雪影  
連山冷閉門懶慣轉多詩債積老憐漸少故人存流光暗裏  
催華髮鐘打南屏日又昏

得信

字恬菴錢詩人仕烏石庵後  
住太倉興福寺著蓮樵詩鈔

金山

片石中流踞浮雲絕頂生一江天示險千里浪難平昨夜颿  
花雨當年駐甲兵神龍眠未起坐眺石頭城

東范用齋次來韻

慧遠曾招雷次宗東鄰遺跡蘚苔封我今復舉蓮花社君但  
來登烏石峰白日空堂觀止水黃昏小閣聽疎鐘巖前莫怪  
多風雨松老時時欲化龍

明乾

號二慈道人杭州僧

吳榜虛序畧曰清照慈公明乾早歲卽以開悟能詩知名及入都府不世之遇連據法海拈華萬壽三席京師號人海遂以清蒼古勁之句屢簡應酬贈炙人口既而勇退南旋一樓一榻仍我故處支破筵掃壞衲容詰其家叩之不磨而于所知文墨人稍倚有寄答之作自常寂後門人實登等搜諸敗書殘紙中及交遊所獲百餘首乞晴江居士點定而付梓焉題曰二慈道人別錄



春寒

微雪開初霽，餘雲釀薄寒。不眠知夜永，多病怯衣單。艸色平鋪地，花枝重壓闌。明朝風日好，有約步江干。

登樓

病來猶自強登樓，樓下長川水急流。拋徑榆錢三月暮，沾泥柳絮一心休。春風野店搖青幟，落日官橋繫畫舟。自覺此身居物外，流光付與少年游。

中秋夜泊武城同翟錢江周端人孫龍光鄭天飛程端民諸居士作

河上仙槎天際乘，順流飛度隔層層。弦歌響遏中秋月，詩酒人圍半夜燈。破浪君皆釣鼉客，歸山我是打包僧。萍踪落落難重會，石上因緣結未曾。

淨泓

字爾森號篋江

錢鼎壽春庵僧  
碧溪詩話笠江能詩與金江聲厲樊榭了龍私諸前輩  
同時倡和常集其庵圓寂後徒孫蒼亭拾其遺稿鈔成  
一冊率卯九月吳丈西林魏柳洲胡葑塘陳蕙堂孫半  
峯項秋子及余凡七人吟集庵中得見詩冊錄存一首

洗心閣曉坐

樹掛銅鉦射竹扉赤標未斂敞晨衣  
山舍宿雨翠猶滴松裏炊烟濕不飛  
境可移情常結想家無定宅欲忘歸  
何當經始開初地  
資我三間老翠微

寶月

字智朗又字漁陸鎮山僧住  
南欄理安著南欄吟草一卷

孤山

辭榮辱不來處靜動無擾吟詩寫幽意  
生計任草草百樹孤山梅千春以終老  
白鶴有時歸明月照華表

曉過西湖

月嵌雙峯露未晡六橋欸乃放舟歸花眼柳暉鳥聲寂尙未  
遊塵作霧飛

送福洋禪人歸楚

千里雲山杖一枝尋師不憚路艱危帆隨湘轉歸偏遛雁傍  
峯迴到定遲他日拈花同供佛幾時擊鉢更吟詩一言相贈  
須牢記碗子無心好護持

示金生鼎鉉二首

七情五欲誰無有但看生從甚處來撥土尋根根又斫再無  
枝葉惹塵埃

一點靈機活潑時六根門戶任施爲深紅淺白花千樣總是  
春風次第吹

陪歐亭西林南徐在茲焚虛讓山大悲庵修禳

東風入村落花柳紛無數禽聲復和柔枝閒啼不住前事微  
寂除少長咸相赴澹沲溪上水曲折莎昨路欣欣意各得敷  
坐依古樹廉纖雨急飛點點花上聚春衫誰復惜沾濕亦多  
趣清池動漣漪開軒席重布盤餐雜蔬筍真味得清素食罷  
引毫甌臨風句同賦但追蘭亭賢肯羨伏家富誰云春日遲  
庭景又將暮一笑共云歸前林起烟霧

絕句

一春九十日強半雨風吹棠梨花謝了說與牡丹知

見賢

一名際賢字省凡更字省齋俗姓陳烏程人天竺見心房僧

碧溪詩話見賢家於烏鎮年六七時來飯後天竺白雲之見心山房十八歲受度於心持師五十二示寂工詩苦書予每月勸詣上竺進香輒坐山房與師茶話論詩良久而別如是者二十餘年予嘗借殿古練王六阿造訪兩公亦與交善古練病歿前有畫回來一幅但有山痕數筆未經斂染子乞師補成珍藏於家未幾屋壞子

大德不存可歎也著詩一冊  
自題曰靜中自美嘗乞子改定

暮秋有感

山覺秋容瘦蕭蕭萬木殘霜催松耐翠風妬菊禁寒性懶逢  
人拙才疎閱世難天將消息寄付與有心看

寶寧

字道可一字心園  
仁和報國院僧

伏日喜張妙峰解元過訪

豎議值張譏炎威焰烈時一靈瑩艷雪八解浴清池瓜蔓綠  
深淺蓮衣紅參差雲峰釀雨黑消得酒如緇

明翹

字楚木仁和報國  
院僧著晚楓閣詩

雜吟

層層煙水泛流霞海濶天空路轉除豈意月明霜露下夜來  
依舊臥蘆花

垂老棲遲白石巖了無一法別仙凡年來懶與人間事月落  
秋池花滿衫

徐斗支

字梁父嘉興爲壽宮道士著蜀道吟洲內雜詠

歸舟寄朱子菴

春江自獨來半是岷峨雪千里下江陵山山響鷓鴣

陳

字白浮嘉興萬壽宮道士著柳海居詩集

寄鄒子嶺

暇日相期蕭寺東別時三月已秋風朝來載鶴船人報極浦

芙蓉幾處紅

陸

號松間道人平湖道士著松間道人拾遺稿

早起

披衣猶見月對影一婆娑人事如雲亂松風向曉多疎星沈

碧落哀雁寫銀河笑把山鑪打其如熟夢何

施遠恩

字魯瞻法名冲暉仁和人吳山長生房道士著環山房詩鈔

杭州府志遠恩十歲有出塵想依族叔允文於吳山長生房雍正壬子應選請京師侍洗明殿妙正真人左右

世宗憲皇帝賜題賦詩稱

旨授龍虎山吳點十餘年歸故山乾隆乙巳夏大旱登夢祈雨甘露三日後屢著輒驗丁亥冬羽化邑人萬孺刊其環山房詩

晴

積雨喜初霽江樓望愈賒碧歸湖上柳紅入嶺頭霞把酒樓同調商風數落花晚來閒步履新月到山家

環山房

風花香暖滿林邱四面溪山足臥遊雞犬何心來舐藥雲霞有意欲遮樓巖前樹影重重積竹裏泉聲細細流秘笈閒緝忘歲月是中消盡古今愁

秋興

愁破方知酒有功，酒盃盡日不教空。  
飄蕭敗葉千山雨，零亂寒花一徑風。  
小摘晚菘含露碧，試嘗新橘帶霜紅。  
閒中自有消閒趣，底用磯邊理釣筒。

龍虎山早秋

上清花木記深幽，老桂婆娑報早秋。  
露冷草蟲鳴四壁，月明桐葉墜層樓。  
雷壇樹色當窗出，丹井泉香繞石流。  
林壑寂寥龍虎伏，巖前惟見紫雲浮。

大光明殿步虛詞

巍巍金闕聳瑤天，羽蓋珠輪滿大千。  
慚愧野人樗散甚，侍香親到玉皇前。

誦徹琅函玉笈文，月華如水夜初分。  
琉璃世界通明殿，香氣



蒸成五色雲

洞闕瓊瓏網戶開  
金虬導我玉京回  
道人報國無他願  
只祝風調雨順來

老桂行

階前雙桂高百尺  
勢凌霄漢根盤石  
露染鵝黃一片秋  
枝頭簇簇團香雪  
不隨桃李鬪春工  
玉綴玲瓏陰瑤席  
花時供我日日吟  
剗啄尋香有來客  
一從訪道西江遊  
夢繞吳山恨  
睽隔忽忽烟霜十六更  
樹應健在人非昔  
去秋賦歸來喜見舊  
標格花繁粒粒金  
葉展重重碧  
一尊濃醪酌花神  
與爾周旋仍日夕  
桂兮桂兮誓將相守  
不相離  
老向山中甘遯跡

老樸行

環山百年樹其名曰沙樸  
婆娑烟雨姿樾蔭到鄰屋  
具茲于

得材應入工師目託根不得地遠棄在南服繩尺恐難施擁  
腫更卷曲鴟鴞巢其顛螻蟻穴其腹生意良已盡雨露非不  
溼未充梁棟選頗避斧斤斲安知終天年非以不材福至哉

莊生言寧甘老荒谷

王

蘅

字湘艸號鶴巢居靈  
製道院著湘艸詩稿

嘉興府志蘅工詩文善書法其人馴雅絕俗嘗築山中  
山水構軒曰吾山清響張徵君庚繪圖一時諸名士俱  
爲題詠錢侍郎汝誠稱  
禾中方外無出其右者

送春

麗日紅霞爛錦茵濃和花氣欲熏人聲聲鴉鴉催歸急止勝

今朝一日春

夏日幽居書事

野岸橫橋是我家疎枝牆角老梅遮貧時過午方炊飯倦到

拋書且灌花木長蒺藜藏睡鳥草深堦砌出鳴蛙身閒自喜  
泚無事一枕羲皇日未斜

錢一清

錢一清  
字山喜  
神陶道士

洞霄宮懷古

落日照松竹山中風氣寒我來頻弔古誰與其還丹撫掌泉  
心澀舞蛟亭翠殘可憐爲圃客當日盡仙官

鄧志喜時出陳君鏡板勤

元道士鄧牧心著洞霄圖志不傳  
已久今四庫採輯全書得副木

本宮道士陳仁  
恩刊以行世

地靈原首望

洞霄宮在宋時爲  
天下宮觀之首

天柱更三分

天有入柱其三在  
中園餘抗其一也沒骨難尋竊無心且看雲大丹如易與妙  
道不專文

林朝陽

字鳳山天  
台山道士

題揚州洪氏因樹樓

雨軒

卷三十九

玉階錢一清詩

卷

青海洪源宅花因節孝傳母垂慈奕世孫仰庇重天樹醒超  
凡劫樓成傲列仙幾多騎鶴客臨眺滌蒼烟